

郭列黃掌綸先生評訂神仙鑑一集卷之八

林屋珠樓秘本

江夏明陽宣史徐衡述

汝南清真覺慈李理贊

○○○東方朔漢廷昆跡

○○○李少君叔舉下修真

六安治師陶安公

後感寄君教行火法常持奉金帛一日

治火散紫色衝天安公伏治下哀求有朱書止治上喚


安公安公治與天通七月七日迎汝以赤龍

鼓翅飛去安公知是傳示至期鄉人祖饗果有赤龍來止

於廣安公知先生不欺挺身騎坐龍背至東南城上邑中









GR  
335  
H78  
V.9

陶安公

新刻黃掌綸先生評訂神仙鑑一集卷之八

林屋珠樓秘本

江夏明陽宣史徐簡述

汝南清真覺然李理贊

○○○東方朔漢廷混跡

○○○李少君輦下修真

六安治師陶安公

後感

審君教行火法常持奉金帛一日

治火散紫色衝天安公伏治下哀求有朱審止治上喚曰

安公安公治與天通七月七日迎汝以赤龍

鼓翅飛去安公知是傳示至期鄉人祖饗果有赤龍來止

於庭安公知先生不欺挺身騎坐龍背至東南城上邑中

數萬人共觀親故悉來送行皆與話別留連片刻乘龍升

山真行記卷八 第一節

一  
奉歲



玄俗

去帝素好道尊黃老之言稱爲經立道學令朝野傳誦今聞是言知世多異人凡來朝覲者必問以神奇之事庚寅十月趙相蘇嘉奏云河間王辟疆爲兄趙王遂伏誅內不自安腹患石瘕身漸瘦弱有一人曰玄俗賣藥都下自稱河間人居民莫有識者但是本土聲音唯餌巴豆雲母囊有巴英九善治百病貧者施與富者索價十金一丸服者皆愈王召至玄俗索藥價足然後從囊中檢出王服之即下小蛇十餘頭皆怒目吐舌裊裊而動王驚問俗曰王之瘕非害一身而已凡同氣子女之屬所衛之人俱遭纏染餘殃流及六世其毒乃止此非王所招先趙幽王積鬱不



王女

河間王

渾邪

伏筆

舒而致遺體亦然且王更多憂思得生此疾王嘗放一乳  
 鹿乃麟母也有此好生之德故遇我耳王想起曰昔園中  
 畜一鹿懷十二月不產我聞鹿六月而生過其時異矣縱  
 於建成山中後不見得無是乎俗曰是也復取藥數丸贈  
 王令授子女妃妾各服一丸或下一二頭或下三四頭遂  
 絕此患王家有年老舍人言父世見俗之身無影王乃置  
 俗於月中果無影王遂以女妻之王女勿絕葷酒清淨好  
 道配未幾與俗忽逸去後有見之於常山下帝聞嘉言甚  
 異使人尋覓不得後河間王薨帝奪其國十二月帝患痢  
 諸藥無效復遣使至常山終無所見隴西守渾邪適在京



周蟠

修羊公

因進曰隴右有異人應前山圖施姜連湯於人無病者服之終身不病有病者沉疴立起帝依所言濃煎服之果愈帝問藥布曰將軍老矣多歷世事曾見有可親之奇人乎布曰夫仙遠處山谷混迹市朝使人不能測識如可識者庸人耳親之何益哉隆慮侯周蟠進曰臣獵於華陰山石室中懸一石榻上卧一人石將穿陷畧不移動問之云是魏人石生更號修羊公始皇命南去尋真河陽遇呼子先學卜恒山歸引入華陰得師中陵王蕭君傳以拙攻之法教靜卧石榻以思立理六十年來畧有所得臣曾諷其來京云待機緣此人成可致也帝命徃召未幾即至帝禮之如師



增生

中元

賓三問而公不答帝使止王侯郎中奉養培生哂之袁盎  
雖家居帝時使人問籌策梁王欲求為嗣盎不應王以比  
怨盎盎心不樂家又多怪聞秦時賢士培生者善卜術乃  
往問占培曰公怨積矣難免於今世後能靈明自照或可  
脫也盎及還梁刺客果遮殺於安陵郭門外培生常謁修  
羊公飭問當今何如人公曰外恭而中心不臧辛卯七年  
冬廢薄皇后太子榮壬辰四月立王夫人為后膠東王徹  
初名吉為皇太子是歲改為中元四月地震衡山原都雨雹  
甲午三年丞相周亞夫為買上方甲楯事連汙下獄亞夫  
怒歎曰許負劉京皆相我當餓死果然耶遂不食死帝又



後元  
京胡王他之

仲到  
是伏仙

奪鄧通銅官山與卓氏鑄之欲收通治罪通匿寄野人家  
伏筆無食餓死丙申春三月盈天紅霞三日識者以為有聖人  
出丁酉秋東胡王他之來降盧綽封豆谷侯戊戌後元元  
年帝為歲多凶荒災異疊見所禮修羊公供奉數年不發  
一言遣使捧詔問公何日發言當來恭聽問數聲不應使  
者啟帳視之床上已化石羊一頭潔白如玉題其腹曰修  
羊公謝天子羊在子亦在羊去子亦去使者持見帝令建  
通立臺置石羊於上一夕守者報羊失去帝悶坐未央偏  
殿突見一男子捧珠一串以進帝喝問男子曰我會稽朱  
仲也曾進此獻珠故熟識宮道帝接視之聯格十三枚貼



圓及三寸中有字映出

一節儉克遵前業刻薄焉獲長年

帝怒曰敢侮朕躬耶大呼拏下已不知何往問左右未有

見者視其珠則泥丸也帝知數將盡正月命皇太子加冠

**孝武帝**

帝無疾而崩

四十七歲在位十六年

太子徽即位

是為剗

武皇帝帝生三歲

景帝抱置膝上問兒樂為天子否對曰由天不由兒帝高

之又問兒悅何書即誦伏羲以來羣聖所錄陰陽診候及

龍圖龜策數萬言一無遺落至七歲聖智通徹改名徽享

丑改號建元元年帝雅尚儒術詔舉賢良方正廣川董仲

舒少治春秋與弟子下帷講誦三年不窺園嘗夢蚊龍入

**建元**



趙綰

石奮  
石慶

懷學業大進一日有客請曰天將雨矣仲舒戲之曰巢居  
却風穴處知雨卿非狐狸即其老鼠客旋化老狸而走至  
是凡三對策皆切時敵帝稱其第一拜江都相帝初即位  
尤敬思鬼神之祀御史趙綰薦其師申公為當今大儒  
十帝遣使迎至躬問治亂之道對曰為治不在多言顧力  
行何如耳帝以為太中大夫賜舍魯邸與議明堂巡狩政  
歷服色之事實大皇太后好黃老言不悅儒術以其文多  
質少云萬石君家不言而躬行儉德而澣服  
石奮父子四人俱宮至二  
石帝以其少子慶為內史因廢明堂事申公亦疾免歸魯  
設教後數年卒癸卯三年帝招天下文學才智士由是



十注忌

十莊助

十宋買臣

十鄒陽

十司馬如相

十馮唐

十馮遂

十枚乘

十枚臯

十終軍

十東方朔

百薦奇極

○張夷

田母

莊助忌朱買臣鄒陽司馬相如皆至馮唐年九十不能官

以其子遂為郎聞枚乘之才遣使召之中道而卒乘子臯

有捷才年十七赴闕自陳拜為郎濟南終軍陳言亦拜為

郎是秋平原東方朔上書曰臣少失父母長依兄嫂年十

二學書三冬文史足用十五學擊劍十六誦詩書十九學

孫吳兵法戰陣鉦鼓之事共四十四萬言今年二十二長

九尺三寸口若縣河齒如編貝勇若孟賁捷若慶忌廉若

鮑叔信若尾生若此可以為天子臣矣帝令待詔公車朔

父張夷字少平自言出山二百歲視其顏若童子妻田氏

文帝後元五年冬十一月朔生子名朔三日而田氏死夷



附母

谷布子

棄朔於道。隣母拾歸養之時。東方始明。因爲姓歲餘。吏亦不見朔年。三歲常向天上指揮。獨語年六歲。忽失去。累月始歸。隣母谷之問。在何處。朔曰。兒遇河間玄俗。號谷布子。云學道得仙。爲大上真官。令兒師之。受閬風鍾山蓬萊及神州真形之圖。隣母以爲誑。不容出外嬉遊。踰年拘約。以疎魑地復去。期年而歸。母怒數之。曰。汝行經年。一歸何以慰我。朔曰。朝發至紫泥之海。有紫水汙衣。仍過虞澗。湔浣竟。偶息於冥都之崇臺。暫一卧。東王公遣青童招兒。啖丹粟霞漿。食既多飽。悶欲死。飲玄天黃露半合。乃甦。夕還。遇一蒼虎伏於道。騎之而行。扞捶過痛。虎嚙兒傷脚。叩下。匍



匐至鴻濛之澤見一方面姬採桑於白海之濱俄而有黃  
眉翁至指姬以語兒曰此母昔爲我妻託形爲太白金精  
同遊於章貢間我改名金華有天台王君之女來投胎於  
母名麗英長而貌美留於山中修道我與母復遊乎原又  
得汝來託生未幾母化故我隱至會合汝亦此星之精也  
今去家幾萬里來此何爲兒以受谷布子圖遊紫海飲王  
公漿及被虎齒傷事告母悲嗟撫我裂青布裳裹之兒問  
黃眉翁根由翁曰吾却食黍烝已久瞳子皆有青光能見  
幽隱之物仙家三百年一洗髓二百年一伐毛我生來已  
二洗髓五伐毛矣兒亦有根故能遇我然相聚有日也二



有因無  
由亦不得  
而知也

隣兄

隣嫂

東門京

人遂携手渡澤而去。兒即歸家，覺痛頓止，乃豚布掛枯樹上，布忽化龍飛去。隣母聞是無據之言，怪其誕妄，遂不甚愛惜。是歲母死，母有已子成人，葬母於父塋。朔年十歲，育於兄嫂身，旁舉家敬其才敏，好學既長，字曼倩。時雖在朝，祿甚薄，乃詒侏儒。帝之弄臣，身短口給。適帝過，侏儒號泣頓首曰：「東方朔云：將盡殺臣等。」帝召問之，朔曰：「侏儒欲死，臣朔餓欲死。」帝大笑，因賜待詔金馬門，遂得親近。時有善相馬者，東門京鑄銅馬法獻之，詔立馬魯般門，更名金馬門。諸朔常觀帝顏色，喜以材技進者，未有正官，故稱待詔金馬。怒乘時進諫多所補益，帝常賜之侍食，食畢懷其餘肉衣，盡沾污，或賜以縑帛。朔即擔揭而出，其後屢賜錢帛以之。



娶少女於長安同居三載生三子只留其子自以食物喂之即令少女別嫁其所用什物盡與將去人皆笑其痴朔曰如朔者所謂避世於朝廷間耳嘗酒酣據地歌曰陸沉於俗宮殿可以避世全身何必深山之中蒿廬之下

帝喜微行射獵朔諫以魚龍莫辨其後屢遭人侮深服朔之先見自是進言多聽之甲辰四年有民擅殺上林之鹿帝怒令收民殺之朔曰此民固當死臣請召至數之拘民至朔當廷曰汝擅殺上林之鹿一當死滿諫使帝以鹿殺人二當死且匈奴有急將驅鹿觸之三當死速拽去受刑帝曰



田蚡

子休矣為朕救之勿傷吾仁已巳五年詔舉孝廉丙午六年以田蚡為丞相王太召汲黯為主爵都尉直諫敢言帝

汲黯

稱為社稷臣前閩越王無諸郢孫圖東甌東甌告急於朝田

閩越

王

蚡謂越人相攻不足救莊助曰彼以窮困來愬天子弗振

何以子萬國乎帝即遣助以節發會稽兵救之閩越引去

閩越王  
餘善之

東甌請徙江淮今秋八月閩越復擊南越趙佗已殂其孫

元光

胡立二年胡守約上書帝多其義大為興師討之未踰嶺

李少君

閩越王弟餘善殺郢以降詔莊助諭意南越胡遣太子嬰

齊入宿衛丁未十月有長星現以為瑞改元元光齊人李

少君字雲翼故齊深澤侯之後少好道不蓄妻子遊泰山



神丹之難  
如此

徐儀君

宛若

採藥修絕穀全身忽患病危困遇安期生將去遊南海叩頭乞活安期以神樓散一七與服即愈更傳以神丹方食之以大棗便能知己往事既得神丹爐火之方家貧不能辦藥欲求大有力者同煉恨無所遇感帝初整七十歲今年一百三十餘常自匿其年謂人曰吾行年七十容顏不少衰從海上得異人奇方故能却老以其方遍遊諸侯有信有不信者小民聞其能使物不死多有饋遺每餘金錢布帛衣服人皆以為不治產而能饒給愈信其有術益爭奉之先有長陵女子徐氏號儀君以嫁為人妻生一男數歲而死悲悼過甚亦病死死而有靈其如夫之宛



老人

若祀於其室，遂能開言語，說人家小事，輒驗。民多求問。趙王父子亦徃祀之，號爲神君。帝聞其能，交見鬼神，乃求舍於上林苑中，號觀內，使宛若守其祠，特置厚禮祀之。但聞內中有聲，不見其形，言之頗効，大抵不異巫覡也。是年，帝初郊，見五祀時，後常三歲一郊。李少君聞帝好鬼神，欲以祠竈却老方見帝。戊申二年，先見田蚡，蚡與語相投，留與飲食。座中有老人，年九十餘，少君問其姓名，乃曰：「我曾與汝祖夜遊於磬石山下，汝爲兒時亦從祖父同遊。」汝猶記其事乎？蚡顧問，老客老人果是楚之淮南人，沉思片晌，忽拍手曰：「有之。」記得數齡時，大父與一客同遊於彼，我亦在



少君之言  
無不否乎  
亦能確信

側歸時感寒病半月乃愈於是一座皆驚明日蚡即引見  
言其異處帝有一故銅器試以問之少君曰此齊桓公十  
年陳於柏寢座旁帝細觀其刻篆果齊之故器也疑其爲  
數百歲人視之如五十許面色光澤口齒如童子少君因  
言於上曰祠竈則致物致物而丹砂可化爲黃金黃金成  
以爲飲食之器則能益壽益壽而海中蓬萊仙者可見見  
之以封禪則不死黃帝是也臣嘗遊海上安期生食以如  
瓠巨棗帝問安期何人而有此異果少君曰是古仙人常  
遊蓬萊中合則見人不合則隱也於是帝始祠竈乃遣有  
家屬在京之方士八海求安期之屬恐其怠惰戒以弗得



勿回少君復言修吾道者白日昇天身生朱陽之域豔脩  
圓光之異竦反凌虛伏入無間控飛龍而入遐邇乘白鴻  
而九該周

河間竒疾傳染闔門究其感神仙之救濟者乃由於縱  
放麟母然則憐惜物命所以自救也何苦恣意戕殺  
東方朔的是莊子後身觀其言俱逍遙南華之類而娶  
妻好內亦俱相似獨其引君於道則勝於莊是其進德  
處。

李少君方士之首然猶有來歷非文成上利之儔也閔  
者嘗有分別



〇〇〇淮南王師事八公 〇〇〇漢武帝爵授張果

冥海之棗大如瓜鍾山之李大如升皆得食之遂生奇光  
逸遊海外師安期授臣口訣是以保萬物之可成帝益深  
信爲少君建立宅第賜遺無數王公貴人莫不仰慕所遺  
金錢甚廣居久之少君黃金充足乃密自作神丹丹成即  
稱病不接納是夜帝夢與少君俱上嵩高山半道逢繡衣  
使者乘龍持節從雲中下言太乙上帝請少君去帝覺語  
左右曰如我夢少君將捨我去也使人往視復云有疾帝  
令黃腫昇州縣名史寬舒往問病并受其方留居數日方事未  
竟而少君死及將殮忽失屍所在中表之衣悉不開解如



謬忌

晏安

灌夫

嬰

蟬蛻然帝親幸其第令發棺視之果無屍惟衣冠在焉帝  
歎恨求之不勤自此道心益篤海上燕齊迂怪之士更相  
效之莫不挾術而來矣毫人謬忌簡假奏祠太一之方帝令立  
太一祠於東南郊齊人晏安上書曰古者天子三年一用  
太牢具祠三一天一地一泰一帝令祠於謬忌之大一壇  
上以寬舒爲祠官是年甯太后崩后信老子之言外  
戚諸竇皆令讀之果大得其益故文景之世天下謐然而  
竇氏三世保其榮寵時王太后專政庚戌春潁陽侯灌夫  
嬰子因醉忤田蚡論罪棄市竇嬰上書論救太后怒不食帝  
遂族灌而殺竇未幾蚡病一身盡痛苦被擊者呼伏謝罪



帝使巫者視之云魏其侯力咎也實嬰太后親臨榻前乞

饒痛終不止而死帝定諸律令務在深文自此官吏用法

公孫弘

益刻辛亥徵明當世之務習先聖之術者菑川公孫弘家

轅固

貧牧豕海上年四十始治春秋時廷對權第一臨淄轅固

治詩年九十餘亦徵至每譏訕羣儒惟與申公道合遂以

可惜

老病免歸帝厚遇弘遷至左內史壬子冬匈奴入上谷帝

平衛青

遣將軍衛青出至龍城得虜首七百賜爵關內侯青本姓

鄭平陽人少時其父使之牧羊兄弟皆奴蓄之有相者見

之曰官至封侯青笑曰得免笞罵足矣青之姊名子太平

平陽公主

陽公主家作歌姬帝見而悅之立為夫人癸丑元朔元年



元朔一

春衛氏生子名據乃立衛氏為皇后時正當元續十五却

太子據

以李廣為右北平太守廣猿臂善射匈奴號為飛將軍數

歲不敢近塞甲寅春有彩雲現於南中即滇初有女子浣

元續五

紗於遯水溪頭一作豚有三節大竹流至聞中有嬰兒啼

李廣

聲拾歸剖得一兒收養之遂以竹為姓呼為竹溪三兒長

田陣立

曰多同材能武勇時牂牁守陳立據武陵郡地以叛土人

田竹王

立三鬼為竹王治都於邛帝發夜郎兵擊陳立竹王聞命

即將兵下牂牁江大破陳兵安撫滇地詔封為夜郎侯為

田孔臧

彩雲呈瑞名其地雲南乙卯帝欲以孔臧為御史大夫用

世孫臧辭曰臣世以經學為業乞為太常典臣家業與從



孔安國

成延

弟待中安國綱紀古訓使永垂來嗣帝兄之其禮賜如三公丁巳五年以公孫弘為丞相弘以汲黯常面指其詐請徙為右內史又惡董仲舒廉直乃薦為膠西相舒以病免去衛青出右北平取河南地為朔方郡拜大將軍封長平侯公卿皆卑奉之獨黯與之抗禮戊午秋燕入成延上書言祠諸神之方帝令祠官如其言祠之令上林苑蓄白鹿以其皮為幣造白金以發瑞應帝行幸雍祠郊見五時畢獵於雍山獲一異獸體若麋而頂一角尾若牛而足五趾有司言曰陛下肅祇郊祀上帝報享故錫此一角瑞獸耳帝悅令蓄上林苑中己未冬帝回長安召群臣觀賞司馬



◎胡安

仙真列傳卷八

奇疾

元狩

相如曰吾師臨邛胡安曾言古之聲瑞禽獸之狀今觀此獸一角身若麕然蓋詩所謂麟也帝有德色遂以今年爲元狩詔有司後薦五時各加一牛以燎遍賜諸侯白金以風符應令於天地濟北王勃謙讓仁慈有官人韓氏病腰背痛身寒熱衆醫咸以爲風寒藥之轉劇王聞倉公有解顱理腦之能延入視之倉公曰診其肝脉弦出寸口病由於欲男子而不得也王即令出配士人女病遂痊王聞天子且將封禪乃上書獻泰山及其旁邑帝受之償以他縣是時諸侯王子率多聲色遊獵爲事淮南王安獨折節下士篤好儒學兼占候方術少得涓子九仙之法其琴心三



伍破

篇惟和於心深有條理雖得其文不鮮其意客嘗數千人  
作內書二十一篇著中篇八章言神仙黃白之事名鴻寶  
萬畢三卷論變化之道凡十萬言見古經有啜菽飲水之  
語乃教民磨豆作漿以石膏點取名菽粟後人傳之以供  
俗謂豆腐是其遺術有王仲高者少年弱冠常在沾南市行卜父老  
傳云比世見之不知其從來謀士伍被言於王欣然迎之  
待以師禮既久仲高語王曰我黃帝弟也秦時居上谷北  
山欲召我作篆書故避於此以竟有緣知吾子為何氏仙  
衆下降昔朱襄君授我以長生之訣當以傳子安復問修  
煉高曰將有同類來助子矣居數月忽曰我徒程邈齊人



也亦曾授以不死術今欲包晤遂辭去未幾有八公造門請見皆鬚眉皓白門吏告王王使善辯闢者以已意難之曰王上欲得延年却期長生不老之道中欲得博物洽聞精義八神之大儒下欲得武力扛鼎暴虎橫行之壯士今先生皆耆老應無駐顏之術著書之能賁育之勇不敢相通八公笑曰聞王敬賢好士吐握不倦苟有一技莫不畢至吾等雖鄙人不合所求就令見之亦無損奈何逆見嫌擇王必謂少年為有道垂白為庸人恐非發石取玉探淵索珠之意也薄吾等老少亦何難言畢倏皆化為童子年如十四五露髻青鬢色如桃花於是門吏驚悚馳報於王



王不及履跣足出迎拱手謝罪邀不  
思仙之臺張錦綺之  
帷燔百和之香進金王之几執弟子禮北面叩首曰安以  
凡材少好道德羈鎖世業沉淪流俗不能遺類貞藪山林  
然夙夜飢渴思願神明沐浴垢穢精誠浮薄抱情不暢邈  
若雲泥不圖厚幸道君屈降是安祿命當蒙拔擢喜懼屏  
營不知所措惟乞道君哀而教之則螟蛉假翼去地飛天  
也八童復成八老告王曰吾八人各有所長一能坐致風  
雨立起雲霧畫地為江河撒土為山嶽一能崩高壅牧虎  
豹致龍蛇役鬼神一能分形易貌坐在立亡隱蔽三軍白  
日盡暝一能乘虛步空起海凌烟出入無間呼吸千里一



能入火不焦入水不濡及之不傷射之不中冬裸不寒暑  
裘不汗一能恣意立成禽獸草木轉徙山川陵嶽一能防  
災却害益壽長生一能煎泥成金鍛鉛成銀水鍊八石飛  
騰流珠乘龍駕雲浮遊太清唯王所欲安乃叩拜身進酒  
脯請試風雨雲雷之類無不立見王稱八公為化人朝夕  
禮拜供奉八公遂授以玄王丹經及三十六卷水銀秋石  
等方王與八公日上高山修鍊壽用八公藥既成未及服  
食於元狩元年冬忽聞漢廷復如削地故事王欲謀自保  
八公以為不必乃止王有子名遷好試劍自謂人莫如已  
聞郎中雷被精於劍召與之戲被誤傷不該遷恐為所殺與



其黨伍被謀共上書誣王與廬江王賜謀反帝使宗正捧  
卽來治廬江王懼誅乃自經死宗正先至淮南未及國八  
公謂王曰可以去矣此天之所以遣王也若無此事日復  
一日未能去世願王勿疑王欲與弟賜同度聞其自殺大  
慟與八公登山設祭宴謝賓客埋紫金於地分服秋石成  
丹王臨行欲誅二被八公曰不可仙家不欲害行蟲況殺  
人乎被等誣人自當誅滅遂與騰雲而去所棄置藥鼎鷄  
犬舐啄皆得輕舉數萬人觀瞻俱聞鷄鳴天上犬吠雲中  
八公與安所踏山石皆成足跡紫金山車轍馬跡猶存後人常拾小金牌於此可以  
療疾疑為安雖飛昇未得上天隨至海外一山遇諸仙衆  
丹砂化者



皆令稱為仙伯教其屈曲承奉方可朝見王公安應命奈

少習真寶未嫻卑下之禮坐起不恭語聲高亮或誤稱寡

伯之主者八奏王公言劉安不敬應再斥下方

謝過懇求乃得謫守仙都之厠居高臨下之際非厠溷也三

方為散仙不得處職如改過悔悟原許不次擢用安

責以期上證自號淮南子欲度弟賜出世八公曰

也人死骨肉歸於土血歸於水魂氣歸於風其陰

然獨存故為鬼蓋天氣為魂地氣為魄陰陽渾合而

成人隨神出入故易曰精氣為物遊魂為變今賜已為鬼

魂何能度入仙境豈不知有陰不仙乎若憐無後使其返



魂則可也淮南子喜問其術八公曰西海中聚窟洲上有  
大樹與楓才相似而其材苦花葉香聞數百里名返魂樹  
叩其樹如羣牛發吼聲震遠近伐其根心玉釜中煮取汁  
更用微火煎之如黑飴令可為丸名驚精香又名震靈丸  
振檀香皆死香死屍一染其香即復活矣淮南子哀求八  
公即往西海合香回至廬江救死幸而隆冬之候尚未膚  
臭為朝廷旨意未轉不敢棺殮八公以香向鼻牖之賜立  
甦如醉夢乍醒仍以死信報外隱其復生之事八公自歸  
山中後淮南子勤修數年何侯與八公同來說明化生根  
由即薦於東華帝君時何侯已進為南宮右相帝君命淮



張湯

南子居太極真人之位及宗正至淮南已失安矣推問始知仙去宗正復命帝悵然曰使我得如淮南棄天下如激箚也乃使廷尉張湯推案伍被等誣告皆論斬淮南廬江人屬無恙漢史秘其事言安自殺城固人張騫自元光元年奉使月氏持節往通西域十三年始回歷言諸國風俗苑產善馬千里不罷嗜食苜蓿已得其種又得葡萄酒開堙露置十年不敗安石國得其榴水其實如升蘊子粒得胡荽杞醬之類既至大夏尋黃河源以渡印嶽山多竹枝蘇扶疎堅如鐵石其色類漆光可照人堪作桂杖折而策之至邛山植之復活欲渡安息黑海苦無舟



楫忽一枯槎自上流來遂試乘之復沂流而上片時到一處朱檻綠窻晶臺玉岸有三婦人機織皆停梭問曰此上界斗牛宮凡夫何得悞入一女持釣竿撐開頃刻還流至初處捨槎而起重由諸國而回帝聞之欣然復欲事西南夷問羣臣以浮槎之故衆莫能對詔募博聞之士有中條客張果入對曰堯時有臣槎浮於西海槎上有光若星月浮游四海凡二十年一周於天復還西海名貫月槎又名掛星槎羽仙多乘之遊戲帝訝曰此言不見載籍客將妾對耶果曰臣竇堯時丙子歲生故知其事帝觀其貌如六七十者乃試問以唐虞典章條析如指掌帝猶疑其記



孫博

仙真衍派

卷八

二

華藏

誦之學未能盡官而喜其多聞拜為侍中果薦河東孫博

有清才能屬文讀經數十萬言隱林瀘山帝召至與果同

職時謂二仙侍中

博即中條素公

帝嘗使諸數家射覆置守宮孟

下皆不中果博微笑不言東方朔請射之乃別筮布卦而

對曰臣以為龍又無角謂之為蛇又有足跂跂脉脉善緣

壁是非守宮即蜥蜴帝曰善賜帛十疋復使射他物連中

輒賜帛舍人曰朔幸中耳非至數也臣願令朔復射中之

臣榜百不中臣賜帛乃覆樹上寄生朔射之曰靈藪也舍

人曰果知朔不能中也朔曰著樹為寄生盆下為靈藪帝

令榜舍人

榜奇彭答擊也

是秋匈奴渾邪王來降庚申二年以張



霍去病 騫勸諭之功封博望侯遣霍去病衛青妹子為驃騎將軍西

其地去病獨將萬騎出隴過焉支山單子為庭於祁連山

樓蘭王一名天山單于去病殺其所部樓蘭王虜西戎休屠王居

休屠王儲得其祭天金人祭者後世佛像是其遺法其太子日磾

金日磾密沒入黃門養馬帝奇其狀貌命為侍中賜姓金壬戌四

年命衛青霍去病出塞逐擊匈奴沙漠之南無王庭帝以

北方既平極事神仙下詔求方術之士初山圖邀渭橋陰

生投豐沛間遍訪清平言數年不值後至齊遇公孫臣言

與吉相識今往南海尋安期生矣得信方行道知期可會

清



仙史卷之八  
漢家立賢無方牧豕者相牧羊者將使其牧天下亦如是矣

淮南為何氏之仙王仲君已言之矣恰得八公來度豈非明徵但道成閩越已向方諸復命何以獨降其一於世或以欲證位受職必歷練不迷而後可歟

獲獨角獸相如以為麟却是有據非阿君者比而張果之知麟母則又非相如之比矣

中條二友一旦俱為漢臣想欲暗保武帝以立功行耳宋膺仙職且受凡員亦未為不可



○○○安期生普陀求方○○○巫子都渭橋見帝

山圖遂與陰生至吳山赤須先生欲修乘御金丹正無人  
相佐見陰生來甚喜并留山圖共煉吉已於句章海上尋  
見安期所說舊情安期言數十年求見大士七上補陀未  
得一面童子言在須彌未回故久待於此乃出林檎酒赭  
杏糕對飲間談吉曰先生以巨窠食李少君有諸乎安期  
曰曾於泰山會見授以黃白之術太乙皇人欲修救苦金  
丹召我與蘇仙公同事我薦少君去矣二人相論既久飲  
亦微酣安期取筆墨吟詩數章索和於吉吉謝以武夫不  
嫻吟詠安期之興嚼其詩曰句亦未佳不可見知於世戲



將所餘墨汁橫灑石上斑滴宛成桃花形

定海有桃花山

復返遊

天台山其第八重最高處曰華頂峯可望海草木薰郁蓋

非人世偶問樵者指云石罅有木瓜花時有一蛇盤其上

至實落供大士乃去號爲護聖瓜安期不勝歎羨大士在

會上隨釋迦至西天竺國靈鷲山上講說無上甚深之法

得其微妙辭歸東土文殊普賢亦合掌告歸釋迦更命大

弟子迦葉作伴前行興隆三寶設教十方四尊者踏雲至

古昆彌國界迦葉下指一山曰此名點蒼上有峰十九其

中峰之半有香巖異香常從空中飄來我佛曾苦行於此

我欲藏修其間以俟因緣三大士下瞰山景蒼翠如玉盤



天女仙姑  
霄具自然  
之相何嘗  
有半點矯  
揉今之苦  
古為女子  
義足不過  
飲其步香  
塵掌上舞  
耳適與他  
人作玩器  
全不諒其  
痛楚萬狀  
馬得當道  
猛博念頭  
大發哀慈

亘三百餘里頂有淵泉迦葉就於西之鷄足山駐錫普賢  
邀二大士至峨嵋鑪及峰數座少憩觀音曰我佛慈悲隨  
處現身說法今既暫停西南即當濟度斯民文殊曰非世  
尊之廣大神通孰能行之遂辭還五臺觀音步行葉榆河  
面名西洱海中有三島四洲九曲之勝觀其形勢以指畫河東之王案山崖  
云

此水可當兵十萬昔人空有客三千。

水勢湍急常為山嶺屏流壅決大士乃化一無大不大法  
身持椎鑿鑿通山石使洱水下趨所鑿處上連下斷成一  
石梁橫跨可度一人兩崖激水濺珠宛若梅萼後人呼曰



嚴察而禁  
之則如轉  
之成男矣  
得子孫  
昌之報  
也何疑

李賢

不謝梅其時夜郎竹王畧地入境掃掠大士化一嫵媚婦  
人足大盈尺將卒爭欲逼之見以稻莫縻一大石負之而  
趨吐舌相謂曰彼婦人膂力若此况丈夫乎遂歛兵去大  
士復寓於周城旅舍假稱東南李賢主家婦生產難下大  
士見其庭中一樹每穗結實一百八枚即摘一枚使產婦  
吞之立下其枚兒手握之以出後人異之取一穗穿成一  
串以記所行之善事名莫患子因其曾療產難釋氏所用  
念珠俗曰  
標大士至蒲蠻之地曰慶甸其地滴鹹苦於水土人忽見  
一老者以杖觸地即有甘泉湧出不通姓名而去大士行  
此數事生民大被其澤回至落伽童言有客訪久大士請



天士慈悲  
顯化無時  
不然此特  
言其概耳  
安生必求  
具道而止  
耐性等候  
真正有心  
又

見安期與清平吉秋間在廬山上賞玩鶴洲鳧渚之趣冬  
居蓬島中靜觀雪嶂松濤重巒複嶺春乃出遊雪竇翁洲  
桃花洞千丈巖夏則坐看瀑布泉含珠林諸勝適童子來  
招遂同入海行見兩山劍立安期曰所謂蛟門虎蹲天設  
之險也童兒遠指微茫曰此即羅伽山頭補陀別名至海岸孤  
絕處見大士青巾素服頸飾衆寶瓔珞安期執弟子禮拜  
見大士客禮相待安期請曰聞世尊有甘露凝珠欲乞此  
方修之大濟於世為世尊布施大士即以成丹并此方相  
贈安期領方藥拜謝起行過海北上由吳山經過清平吉  
遇見山圖留入山與赤須相晤安期不暇進會趕至泗水



尋琴高相晤合藥諸弟子曰吾師出遊已二百餘年今聞  
在涿郡期於今歲仲夏望日當還安期則往涿尋覓遇於  
白浮山各問訪道自修何如高曰所種龍子正熟所合栢  
未亦好將歸洒水也安期言上補陀求得神方欲與道兄  
同合高欣然便躍入山上二龍潭潭水外觀不過徑流白  
浮村下却北通幽都九  
龍池涿水遠達收羅得龍子萬餘貯藏小壺凡所種處流  
碣石之龍泉  
落幾頭歲旱祈禱立應入號為聖泉二人俱招赤鯉乘之  
借水遁南行期曰聞約汝徒會於仲夏先期月餘奈何高  
曰齊地渾亭有馮伯昌好善可暫主其家乃相與舍鯉登  
陸往見伯昌殷勤接待伯昌有孫曰鳴年甫十少孤尤



好道術高與談投機一住四十餘日計望日將近壺中傾  
龍子頭投其宅畔池中臨去謂鳴曰池中有物汝可求  
之二八復駕遁至泗水諸弟子刻至望日齋戒清潔設酒  
果肴品伺候水邊日中果見師與安仙長乘鯉來至觀者  
萬餘人高感其誠敬各授以栢未一七服者不食不飢永  
無災厄每與龍子一顆教以交秋蓄之於水有急可乘之  
留連數日商議煉地高曰蜀山重疊而蒙山人跡罕到鷄  
犬不聞遂與衆別復入水而去馮鳴自高去後即沒水求  
之得如守宮者十餘守宮蛤也每日喂養夜則結廬守之如  
是七十餘日龍體長大掉尾欲去鳴瞻大逕跨上一龍任



其所之直至東海龍宮龍君迎謁口稱尊神何使鳴告以  
仙師命養龍子之故龍君即捨去計點衆龍如將赴鬪之  
狀鳴問兵卒曰龍君何往卒曰奉上帝欲降大水於中土  
沿東海濱齊燕淮徐一帶渰死造惡人民故如此耳鳴大  
驚撥轉龍頭飛至渾亭下呼召衆姓曰我馮伯昌孫也此  
間沿海人民不去五百里者必當渰死衆皆以爲妖言鳴  
見不信回家勸眷屬人等各招池中之龍乘坐連夜奔入  
潁川駐足衆龍潛入川中明早水勢奔騰一望皆白一晝  
夜方退沉溺死者無算其時得生者琴高之徒乘龍遁脫  
或偶遠出者庶免此難潁川巫炎

字子

少爲郡小吏心靈



梓匠家魯  
班之下宜  
置巫炎一

慧志存救人忽患危症肢體痺痛拘攣遇公輸子傳以妙

公輸有此高徒

道病隨愈由

是木工精巧舉手能成器械聞岑山上有神

泉飲之者心清目朗神振力生但高峻無路可上炎白於

郡守請木工斤斧三十人作轉輪懸閣意思橫生數十日

作大舍四間梯道而上其巔又作祠舍留止於旁絕二間

以自固食芝草飲神泉靜養且七十三年及今八月蓄水

與海水合關下山急呼鄉族家室諸子約六千餘人令上

山半少頃大水漂泊郡城盡沒越旦水勢既退始遣衆下

山時鄉黨有病瘵處女二十人皆願贈炎爲侍妾冀其篤

疾可療衆女亦願留炎推辭其父母皆涕泣而求復捨之



少翁

王夫人

奔去衆女在山日飲神泉消除百病炎御之者所育皆男  
三年之間得子三十六人生息既多炎悉令抱子下山歸  
寧父母見者甚懽食之酒肉聞即嘔噦留家數日旋歸山  
上其後父母往探之者下呼其名即得遙晤炎之頭上紫  
氣高丈餘東方謂其有陰術身著鹿皮衣皆呼爲鹿皮翁  
一日上高閣西望見瑞靄紛紜知長安有好道之君乃囑  
家人曰我往都市賣藥百餘日即回遂披鹿裘負亦藥囊  
而去元狩元年帝聞山東民遭陷溺五穀不登詔徙其民  
七十餘萬散居於關西朔方齊人少翁亦在徙中嘗得李  
少君之術聞帝所愛幸王夫人新卒每思見之少翁以方



術來見言能夜致鬼魂及竈鬼之貌帝令試招夫人之神  
少翁乃夜張燈燭設帷帳陳酒肉令帝自帷中遙望果見  
一好女體態與夫人無異但不能就視至曉方去帝益愁  
感爲作詩曰是耶非耶立而望之翩何姍姍其來遲次日  
令樂府絃歌之拜少翁爲文成將軍待以客禮建第與居  
多有歸爲弟子者文成進言曰帝欲與神通宮室被服不  
似神則神物不至於是畫雲氣之車及各以所勝之日駕  
之以辟惡鬼帝起神屋居之以白珠爲簾箔玳瑁押之象  
牙爲簾以琉璃珠玉明月夜光雜錯天下珍寶爲甲帳其  
次爲乙甲以居神乙以自居又作甘泉宮中爲臺室畫天



地泰一諸神而置祭以致天神居歲餘天神不至帝責問

之文成意急乃為帛書以餵牛佯為弗知言牛腹有異殺

大差

而視之得尺帛書言甚怪帝疑之有人識是文成手書帝

怒遣使往誅文成至其第宣言文成謂曰為吾謝帝不能

忍少日而敗大事乎帝好自愛後三十年求我於成山方

共事不相怨也遂服毒死使者還具言之帝親至其第已

殮入棺帝命發棺無所見惟有竹筒一救疑弟子竊藏其

豆有藏屍之術乎

屍收捕檢問不得其實帝乃諱言其事癸亥冬帝居鼎湖

宮

黃帝上昇處

忽患病劇甚巫醫皆不愈問所祀神君於上林

神君曰天子無憂病少愈強與我會則病除矣未幾果愈



命致祀甘泉親畝於上林苑中射鹿以為牲見一白鹿獨

傍一角獸而立帝將射之侍中張果曰此鹿昔河間王所

釋之麟母也一角獸即其所生道友玄俗曾言之帝令以

伏案

銅牌一面懸左角下為記更射一鹿起駕幸甘泉至中渭

橋高帝造東渭橋以通櫟陽武帝跨渭水造西渭橋以通茂陵中渭橋即秦昭王時魯班所建有一女

子浴於水乳長七尺帝怪問之女曰第七車侍中知我忽

不見時兒寬在第七車帝問之對曰上界女人星齋戒不

虔則見於是帝愈肅恭既至甘泉先祀天地泰乙別設一

座於側以祀文成帝親執禮病良已大赦天下置壽宮於

祔君乙丑元年因無瑞應但曰元年春帝復遊渭橋見一人頂有丈

山真行衣卷八第三節七年歲



生子則順  
矣

何比干

餘紫氣召問之曰臣北海巫炎帝問君年幾何炎曰一百  
三十八歲問何道術炎曰年二十五時苦腰背疼痛脚冷  
口中乾苦涕出足痺不能久立整病四十年皆以為廢人  
至六十五遇魯仙師念臣好慈贈方藥道術自此強健勝  
於少壯至今七十三年有子幾四十帝喜曰可得言乎炎  
曰誠知此道為真然男女之事臣之所難言又行之皆逆  
人情樂此者少故不敢以聞帝留炎於邸畀禮叩其道炎  
畧授其法居三月忽隱去帝行其法雖未能盡其妙然得壽已勝於他帝帝益信  
慈善之効丙寅冬張湯持法大嚴有罪自殺何比干為廷  
尉字少卿獨務仁恕所全活者數千人淮汝人號曰何公



驪山姥

張安世

一日忽有老嫗造門曰吾驪山女也在商周間為天子令  
為山人知公先世有隱德及公之身又治獄多乎反今夫  
賜策以廣公後因探懷中出策九百九十九枚曰公之子  
孫佩印符者當如此算遂遺之而去其後世比千嘗謂張  
湯子安世曰子能反父之行後祿未艾也安世領其教丁  
卯春起栢梁臺於未央宮北純以赤栢為梁香聞數里初  
王太后延祔君祠之宮中神君求去乃營一臺以舍之至  
是帝更廓大之其基高二十丈依巫炎之法以銅為柱圓  
廣十圍上作銅仙人舒手掌捧銅盤玉杯夜承雲表之清  
露和以玉屑曰天漿甘露飲之可以長生戊辰冬帝幸雍



周子南君

丁義

藥大

郊祀上帝始立后上祠於汾陰脍上祀拜如上帝禮帝還  
過洛陽下詔曰三代邈絕遠矣難追以三十里地封周之  
後為周子南君使奉先王之祀益徵帝為周穆後身已巳春帝始東  
巡至泰山而還膠東王夫人遣弟丁義上書言家臣樂大  
曾與文成將軍同師廣有方術帝自文成死後深悔用其  
方不盡即召大至見其長身美容言多方畧問其道大曰  
臣嘗往來海中見安期羨門之屬以臣為賤不肯授以真  
道乃與臣以方術言能修之則黃金可成河決可塞不死  
之藥可得仙人可致也前聞陛下怒誅文成方士皆震足  
山東帝惶恐曰文成自食馬肝死耳子誠能修其方我何



亦戲夫  
此等名  
號極是巴  
賈對侯爵  
妻以公主  
則失之矣

△巫錦

夢乎。大曰：臣師言神仙非有求於人人自求之耳。陛下必欲致之，須貴其使者，佩以信印，乃可使通於神明。帝乃拜大為五利將軍，居月餘得佩天士將軍地士將軍大通將軍天道將軍四大金印，復以二千戶封大為樂通侯，賜甲第，以衛長公主妻之，賜僮僕數百人。後六月汾陰有巫錦者，為民祠於魏之睢上，后土宮旁，見地忽如鉤狀，掘之得一鼎，大異於眾鼎，文鏤無款識。河東太守以聞朝廷，帝遣使驗問。巫錦得鼎實無奸詐，以禮祠而迎。至甘泉，帝冒暑從行，薦之至中山，日出清霽，無雲晏爽，而溫忽有黃雲覆蓋於鼎上。一大鹿，楚呼麋為鹿徑至鼎前，帝親射以為祭。駕回



○郭瓊

長安獻鼎於高祖之廟。命以元鼎紀年。以應其瑞。起神明  
臺。有金牀象席。又起招靈閣。皆羽帳流蘇。帝前遣入海求  
仙。今上無所見聞。不能空還。皆泊居齊魯。悲思鄉里。時東  
郡郭瓊字子華。形貌陋劣。而意度過人。每寄宿人家。輒以  
薪自照讀書。不眠。袖出一算子。散置膝前。則主家篋笥中  
凡秘藏緯之籍。絨縢甚密。皆知如目覩。漫道洞見隔垣  
敢去直窺奧室  
武帝每識異人。如鹿皮翁之紫氣。獨見而識之。直是根  
器不同。故目力亦異。  
琴高喜種龍子。似乎遊戲。至救人處。始知有用。亦曰神  
仙所為。常人固不識也。



○○○五仙臣同登漢殿

○○○二高士共服葛蒲

凡人知此  
則撞端蓋  
民歲於聖  
世矣

有惡之者閉戶塞門拒而不納恐知其家陰事也瓊能卧  
不閉弓行地無蹤袒裼如在後遊廣漢寓客入折象冢象  
字伯式素好黃老術師事東平先生家世豐贍象謂多藏  
必厚亡乃散千金以賑貧苦招留有道之士瓊見其濫於  
用則諷之曰人皆經營積聚為子孫計予何不慮此耶象  
曰我之施財乃逃福非避罪若夫子孫渠自為計何必與  
之籌畫惟方寸一片心田使其耕食不盡瓊居數日欲教  
以不死之道象辭曰吾師曾言功微福薄不可妄念肉體  
長存但能凝神令終得轉世似筆為有根人足矣瓊深重之一



黃安

出頭之難

日象自尅。今月某日必亡。至期忽屍解如蛇蛻。瓊見其家。用不給。乃出囊中金數十笏贈之。去至東齊。遇入海諸方士。知其苦情。謂之曰。汝等難歸。復命我敢為馬骨。汝等可藉以歸乎。方士曰。如此誠厚幸。不識先生果有道術否。瓊曰。有友人黃安為代郡卒。推剗以讀書畫地以計數。一夕地忽成溝。時人謂安舌耕。年似八十餘。貌若童子。常服朱砂。舉身皆赤。冬不着衣。坐一神龜。廣三尺。人問坐龜幾年。安曰。昔伏羲始造網罟。即得此龜。以授我。其背已平。性畏日月之光。二千年一出頭。得此龜以來。已五出頭矣。人皆以其年數千。又謂之安萬歲。行則負龜而趨。最喜慶人若

道心無處不慈悲

來歷



聖真

金出

衡叔卿

得同去無憂應答也方士求瓊至代引見黃安邀坐僻處  
問今度得幾人安曰偶乘龜至上黨有一郡裏王真稍知  
養精攝神終身不娶年百歲而有光澤我以少陰飛體之  
術與之勤煉未幾能履水赴火辟穀輕身隨我遊行潞城  
有金申者厭惡經營不圖仕進常伴征於市我察其有離  
塵之志授以太陰煉形之術能單衣卧雪中預知水旱災  
祥窮通壽夭因父母在堂不能遊學幸有長兄侍養即託  
病死葬百日餘一夕雷霆大作墓為震開其家人往視塚  
裂數寸惟留隻履機扇薄衾而已金山遂同王真一老一  
少去道嵩山近日又度中山衛叔卿元君角之後儀容瀟

△此等皆非太陰雨中事

伏筆



新得欲救  
方士且樂  
與武帝周  
旋  
壽光侯

灑氣度不羣先教其服食雲母次教其導引元神漸通至  
道今將入上林苑招蒼麟爲坐騎也瓊曰金上酷好神仙  
道友盡往一顯真道安曰子何不知我意耶瓊曰實爲方  
士淹留於外况帝非常根器觀其合道當留何必拘哉安  
曰如此去亦無妨欲我侮弄戲術則不可須遣我徒壽光  
侯行之教瓊與方士輩先行自至晉陽尋見壽光語以故  
然後至京戊辰七月方士回朝言在海上得一預知郭仙  
帝宣入令射覆數事瓊出算子算之皆中無失帝欲爵以  
官瓊曰臣友黃安深有道德帝命瓊招至安託以足釐不  
能行禮帝請問安曰臣實無能有仙長壽光侯姓董名謁



字仲君趙董安于之後能効百神衆鬼令自縛現形居晉陽其鄉人有婦爲魅所迷候許治之得三尺妖狐死於門外又有神樹人止其丁輒死鳥過其上必墮候往指之盛夏時其樹葉忽枯隕有大蛇長七八丈懸死樹間帝欲令安往召安曰仙長道高非號召可至須貴使蒲輪猶恐不屈帝謹命使臣厚禮往迎既至帝曰夜半殿下常有數人絳衣披髮持火相隨能治之乎曰小怪易除也夜帝使三人爲之董行法燒符三人仆地無氣帝驚曰非魅也朕相訖耳仲君笑以水解之自是敬奉踰常稱爲仙長適苑吏報上林一角獸不知何往帝怒欲誅守者黃安曰神



班固

華蓋

物立云無常不可柱責下吏帝逐止八月有孟岐者

柱父託名

詣闕自言清河逸民恒餌桂葉尋師不避險阻近在華陰  
山採藥聞帝好道故披萊出見耳帝見其鬚鬢皎白問其  
年壽岐曰臣年一千七百歲帝訝曰且無問夏商事祇言  
周初所見若何岐曰周公負扆攝政抱成王朝祖廟臣嘗  
侍升壇臣以手摩王足周公以玉笏遺臣臣寶執之笏厚  
七分每以衣袂拂拭今裾易百幅笏銳欲折也出笏於神  
中以示帝帝聽其語似實亦厚待之岐曰以臣言千餘歲  
為異臣有師兄李充字有根許人年二千餘歲色如少壯  
臣曾約同來謂帝好殺難親所以不願出山帝曰朕如獲

李充



聖言而喻

黃安又累  
方上跋涉

見當待以賓禮不瑣璞求其道法也岐曰若此可致矣遂  
領命前行往返二十日充乘安車至都帝遣羣臣迎入賜  
坐問道充閉口不言帝別建一館以居此五人相見之際  
一似從未識面彼此不言少頃相視而笑一日帝幸其館  
問五人曰朕聞渤海有三神山多集異人每發使不能至  
疑其徒有空名實無此山或雖有山而無神人也黃安曰  
蓬萊為東海太區神仙所都去中土不遠而不能至者殆  
皆常人不見其氣不識其山耳凡仙靈所集必有和氣祥  
光故尋訪仙真者先望其氣之所在則求之必得矣於是  
帝更遣方士入海選能望氣者佐之務見蓬萊始歸復命



是秋九月帝幸雍且郊祀祠官寬舒曰五帝爲太一之佐  
宜立太一於五帝壇中郊之帝疑而未定公孫臣修道於  
東梁甫山偶遊滋液山見二人一衣紅一衣白在宮中合  
藥口作頌曰

玉女斷分劑。蟾蜍主和搗。一丸鍊人形。二丸顏色好。

臣長跪拜求二人各與一丸曰我日月之神也。凡人得服

此藥立地成仙。子遇之因緣不淺也。臣連服二丸精神頓

烏兔藥

異身輕若羽。二人忽飛昇而去。臣無意中得丹喜不自勝。  
稱齊人名卿聞帝疑於郊祠之禮乃挾礼先見侍中宋忠  
曰今年得寶鼎辛巳朔冬至與黃帝時等忠在文帝朝與



申功

之有舊去五十年不能識視其書不經疑爲妄作謝曰寶鼎事已決矣尚何以爲卿乃自陳求見帝覽書大悅卿曰昔臣受此書於申功帝問功何人卿曰即與楚元王受詩於淳丘伯者建元初年徵聘來京後與安期一相遇受黃帝之鼎書申公嘗曰漢興復當黃帝之時漢之聖者在高祖之孫與曾孫也寶鼎出而興諸神還封禪七十二王唯黃帝得上泰山封漢主亦當上封上封則得仙矣考黃帝時萬諸侯而神靈之封居七千天下名山八而三在蠻夷五在中國其華山首山太室泰山東萊皆黃帝所嘗遊與神會之處採銅鑄鼎鼎成騎龍上升帝側耳而聽竦身而



王吉

爲功於西  
南不小

歎曰嗟乎誠得如黃帝吾視去妻子猶脫屣耳乃拜卿爲  
郎間稱曰道士使東候神於太室帝郊雍畢駕至隴西登  
空同追想黃帝之風已已五年還幸甘泉令祠官寬舒且  
太乙祠壇十一月朔旦冬至昧爽帝郊拜太乙雲陽朝朝  
日夕夕月則揖而見有司奉祠上有光見是夜復有美先  
及晝有黃氣上衝於天立泰畤以明應太祝領祠祀春正  
月公孫弘薨以石慶爲丞相帝欲計平南越先撫結西南  
夷以司馬相如蜀人遣持節爲使土人皆從受經文教始  
開時夜郎王已殂獠夷思其德欲請立後相如許之回臨  
邛訪其師胡安臨邛令王吉曰前月忽乘白鶴仙去相如

伏筆



悔不追隨名其講處曰白鶴山又令蜀民鑿山開地千里

相如還報通邛笮犍道等處帝大悅勅封竹王三子為侯

工人為立思王祠都城曰思王城息州思南蓋此子孫蔓延祭祀嚴謹是夏

帝鑿池於樊川之西曰昆明池穿至地底得黑灰甚多帝

○竺法蘭問東方朔朔曰可問西域胡竺法蘭蘭乃中天竺使君不

問之對曰凡世界盡時劫火洞燒此為劫灰帝以為然禮

泰山公切灰二字大堪猛省遣還國時有一二人自稱泰山公即魯班偶遊於此歲以石

刻為鯨魚形投諸池中公忽不見池成於中教習水軍以

伐南越元朔中南越王胡薨王謚文嬰齊請歸嗣立好劍奢

靡殺生自恣及薨王謚明太子興襲位丞相呂嘉不韋殺興

山真行記卷八第四節 六 華藏



呂嘉

建德

路博德

楊僕

仙山行記卷八

立建德為王

明王長子

已巳秋伏波將軍路博德樓船將軍楊

僕分道征進嘉奉王入海伏波追獲并平西南夷詔廢建

德為庶人斬呂嘉徙其子孫於徼外哀牢國初帝遣樂大

入海潛居泰山祠中帝暗伺知之是歲太始歸妄言拜見

仙師言其方盡奧多不授人帝即指其詐腰斬於市并誅

舉者丁義冬公孫卿言見仙人跡於緱氏城上帝率羣臣

往觀跡可三尺疑未之信乃登覽大愚

應

前

石見谷中有二人

居焉召問曰居此欲學道否二人曰臣

妙

妙

上真金申僊慙於

此並無學道意又問知詩書否皆曰不知帝戲之曰此六

愚石中所產小愚人也從者皆微笑帝夜宿道宮使東方



長壽之言  
尋為王金

朔董仲君侍寢夜半忽見仙人長二丈耳出頭巔下至於

肩帝起禮問仙人曰吾九疑山人沈文泰也聞中嶽宋君

處石上有菖蒲一寸九節服之可以長生故來採耳帝驚

覺顧問董東見否對曰無見帝曰彼非學道服食者必中

善悟

嶽神以喻朕耳因採菖蒲服之經三日胸悶氣塞不能再

奈何

服時從官多效服之亦不能久谷中王金聞之採服不止

後受神丹常歸鄉里老幼世世見之秋七月司馬相如卒

遺書勸封禪辛未元年帝令下議曰古者先殫旅而後封

禪令置十二部將軍帝帥師北行單于懼不敢出乃還至

此四句不可無

翟道臨祭橋山冢帝曰聞黃帝不死今有冢何也仲君曰



乘龍上天葬其衣冠於此帝回長安是冬閩越王反餘善  
耽於遊戲頗好神仙聞祖遇何氏九仙得釣鱗釣竿於內  
府取出釣於城南江上得一白魚鼓鬣斬眼知為龍也縱  
於江風雨陡作餘善建一臺於山上曰釣龍臺遂起妄念  
北掠浙水會稽太守朱買臣擊敗之其下其縶之以降負  
臣復撫平東越正月帝欲東巡詔董謁李充孟岐郭瓊黃  
安同輦謂之五仙臣侍中博士等隨駕又聞扶風人車子  
候有無為之道召至愛其清靜亦授侍中令公孫卿持節  
先行候諸名山做黃帝游蹟三月東幸緱氏禮登中嶽太  
室從官在山下聞呼萬歲者三可十萬人聲若發於上至



阮丘  
朱璜

上問之帝與左右皆聞在下大以爲奇令築尋真之臺  
戒精思三日不得乃以三百戶封之使奉太室之祠詔命  
曰崇高邑又曰奉高至睢陽有老人數輩見帝言睢山上  
有道士阮丘衣裘披髮耳長七寸口中無齒日行四百里  
居山種葱薤百餘年時下山賣藥有廣陵朱璜少病瘕毒  
因詣就醫丘曰卿能除去三尸再得真人之藥可度世也  
璜曰如得病愈當作客於君三十年不敢自還丘乃與七  
藥物令日服九九下如肝脾者數斗養數十日體健意朗  
丘復與老君黃庭經令讀目三過通之能思其理遂偕入  
浮陽玉女洞居三十年璜年且八十丘復至故處見其鬚



長三尺餘凡凶豐變異豫戒於人始知為神共敬奉之帝  
即至睢山見丘即其道德丘曰不過髮白能返黑齒落能  
更生耳帝曰即此便是不老之方君能為朕返髮之星星  
乎帝心勞役鬚髮蒼斑丘以棕扇對面一拂霎時髮如漆  
黑髮似螺青帝索鏡照之大喜載以後車問璜何在云回  
廣陵駕至泰山先立石山巔以告將祭之八神一天主祠天  
齊二地主祠太山梁父三兵主祠蚩尤四陰主祠三山五陽主祠之  
六月主祠之七日主祠成八四時主祠璵瑨遂東巡海上先  
祭陰陽日月四時之神公孫卿奉節至東萊見一老父牽

許季山

犬夜行聞之言我許季山也嘗得病弗愈清齊祭於泰山



張巨君

晝夜祈訴請命。忽神人降曰：汝何事？告神明。僕曰：某汝南子輿人，抱疾三年，不知罪之所在，故於靈山請決生死。神曰：我乃張巨君，字季連，有易道，可射知汝禍之所從。因拜求垂示。巨君為筮卦，遇震之恒。初九、六二、六三有變。曰：汝是無狀之人，病安得愈？僕曰：願為發之。巨君曰：汝曾將客東行，為父報仇，乃於路殺客，納空井中，用石蓋之。其人上訴於天，以此病責汝也。僕曰：實有此罪。父為人所搏，蒙此耻終身，特邀一客往報中途，客欲奔告仇家，所以害之。巨君曰：神鑒難欺，汝勤自首，吾還山為爾請命。自此病漸愈。其後巨君又傳吾筮訣，遂畧知易占，惜未求度世之方。



故復牽夫來饗也。卿問巨君何許人。季山曰：但聞安期生  
在齊有張董李三徒。首曰：巨君。次曰：仲君。次曰：少君也。卿  
再欲問其去若飛，倏不見。卿以奏聞。帝信以為神，留宿海  
上徘徊，若有思瞻眺，終無見。

真仙並集於側矣。而復遣人外求，誠失諸近也。

沈文泰夜見武帝，未必為王金也。而二人適逢其會耳。  
可見仙家服食之物，亦有定數。

劫灰忽見，恰遇識者。發明須知乾坤有盡，碌碌浮生特  
瞬息耳。可不及早修真，以避劫火。



○○○封泰岱車公化去 ○○○會延靈金母臨凡

建望仙門於東萊北濱建三山亭於瀕海聞安期常居膠

水築臺於城南登訪其跡曰幸臺碑刻尚存四月還至奉高舉

行封禪先至梁父祠地主作封於泰山下之東方禮如郊

祠太乙其下秘藏玉牒金書帝行禮畢獨與奉車子候上

山巔時拜奉車都尉其上亦有封事皆禁而不漏明日由北陰道

而下禪肅然山泰山下如祭后土禮帝皆親拜是夜若有

靈光晝有白雲起於封中帝坐明堂羣臣更番上壽頌德

詔賜民牛酒加年八十及孤寡者布帛二疋復博奉高蛇

丘歷城今年租稅大赦天下方士進言天子既封禪無風



雨之阻乘今入海則蓬萊諸神山若將可到矣帝欣然曰  
庶幾遇之阮丘請居泰山守祠不欲他適帝許之復至海  
上駐蹕數日發憤欲自浮海東方朔諫曰仙者得之自然  
躁求無益第還宮靜處以須之仙將自至也帝尚猶豫適  
奉車子侯暴病死帝興索然令殯載車中傍海北至碣石  
巡遼西歷九原五月返甘泉凡周行一萬八千里焉帝改  
今年爲元封命子侯喪車歸葬扶風其家人適至言子侯  
未蒙召先一日語家人曰吾已補仙官此春應去至夏中  
當暫還少時乃復去三日前曾回家叙別豈遽死乎帝命  
啟棺大風衝天中無一物問其素得何人之道對曰彼嘗



云隨黃列子遊獵九江射中五色鹿逐跡尋鹿遇服神芝  
而得道帝思之不已作歌曰  
嘉幽蘭兮延秀暉妖淫兮中塘華斐斐兮麗景風徘徊  
兮流芳皇天兮無慧至人逝兮仙鄉天路遠兮無期不  
覺涕下兮衣裳

帝情不舒令史輿圖閱之九江星渚間疊嶂九層崇巖萬  
仞周五百餘里方註匡廬之山問匡山何神博士曰名山  
記云昔匡子希兄弟七人孝弟著名周武王召聘不起遊  
諸名區見一篲山上有湖周數里多生靈草異物旁有石  
井泉

又有石鴈春秋皆能羣飛有小石筍中有玉



牒多記

間王疾之

可得致乎

道世已久恐難驟致帝遣使設祭賜號廬

山君建匡君廟於山北歲時祭祀時四月中旬帝思朔還

宮靜養之言自此頗好清靜屏去內侍閑居承華殿見一

動極思靜

女子着青衣美麗非常冉冉而至徐問之對曰墉城紫蘭

宮王女王子登西王母聞子志輕四海之祿迂天下之貴

真乎勤哉今七月七日當暫來降令先來報知帝下席跪

諾玉女忽不見帝愈信朔言之實獨與言之朔曰道炁無

爲自然西華至妙之炁化爲金母母乃尊貴神人鑒帝誠



駕而降宜豫齋戒執卑禮以見庶獲福祥臣願陪侍是日  
帝登延靈之臺盛齋存道以候之越五日朔奏望見巨靈  
之神化青雀飛去帝即起青雀臺至七夕修除宮掖以紫  
羅薦地燔百和之香張雲錦之幃燃九光之燈帝盛服立  
皆下召朔俟牖外勅端門之內不得有妄寢者寂謐以俟  
雲駕及夜二唱後西南白雲起鬱然直來逕趨宮殿須臾  
轉近聞雲中簫管之聲半食頃王母駕至羣仙數千或駕  
龍虎或乘白鱗白鶴或御軒車天馬皆如鳥之懸投光耀  
庭宇既近羣從不知所在唯母乘紫雲之輦駕五色班龍  
別有天神五十皆長文餘同執綵旄之節咸住殿下



聲扶二侍女上殿侍女年可十六七服青綾之袿容時流  
盼神姿清發母登牀東向坐頭上太華髻戴太真晨嬰之  
冠著黃金襜褕文采鮮明光儀淑穆戴靈飛大綬腰佩分  
景之劍履玄璫鳳文之舄年可三十餘修短得中天姿映  
謁真靈人也帝跪拜致誠旁立屏息母命共坐帝面南斜  
坐母自設天廚珍妙非凡更於侍女索桃果侍女以玉盤  
盛仙桃七顆大如雛子母以四顆進帝三顆自食帝食之  
甘美異常精神頓爽留核欲種母曰中夏地薄種之不生  
此桃三千年一實何可待之瑤池者經千餘年尚未結實  
適向東王公處摘來亦止二千餘年尚未及期故不甚紅



重雙成

石公子

許飛瓊

阮凌華

范成君

段安香

安法興

熟也。朔從牖間窺之母向外指之曰：此桃三熟，此鬼已三  
 偷之矣。今復見而垂涎耶？乃以一顆與帝。賜朔帝向牕隙  
 出朔接而大啖。當時酒觴數遍，母命諸侍女奏樂。董雙成  
 吹雲和之笛，王子登彈八琅之璈，石公子拊昆廷之玉許  
 飛瓊鼓靈虛之箏，阮凌華擊吾陵之磬，范成君撫湘靈之  
 瑟。段安香作九天之鈞，安法興歌玄陵之曲。衆聲朗徹，靈  
 音駭空。歌畢，母曰：子雖好道而不知其因。夫欲修身，當營  
 其氣。太真仙經所謂行益易之道是也。益者益精，易者易  
 形。能益易者，名書仙籍，不益不易，不離死厄。行益易者，謂  
 常思靈寶，靈者神也，寶者精也。子但愛精，握固閉氣，吞液。



氣化爲血。血化爲精。精化爲神。行之不倦。精神充溢。一年易氣。二年易血。三年易精。四年易脉。五年易髓。六年易骨。七年易筋。八年易髮。九年易形。形易則變化而道成矣。此元始天王所說微言。今勅侍笈玉女李慶孫錄以相付于

李慶孫

善修焉。言畢。命靈官嚴車欲去。帝下席叩頭殷勤。請留母

郭密香

復坐。命侍女郭密香往與上元夫人相問。云王九光之母

王九光之母

敬謝。比不相見已四十年。天事勞我。致以愆面。劉徽好道

適來視之。然形漫神穢。腦血滯漏。五臟不淳。關胃鬱勃。骨無精液。脉浮及升。肉多精少。二屍狡亂。玄白失時。雖語以至道。恐作仙材。夫人可暫來否。若能屈駕。當停相須。密香



領命去有頃夫人遣一侍女同至答問云阿環再拜上問起居畢即復去帝問上元何真母曰太古以來得道女貞青三天上元之官統領十萬玉女名錄者也俄而聞雲中簫鼓之聲夫人既至從官文武千餘並是女子年俱十八九許形容明逸多服青衣光彩耀目夫人年可二十餘天姿精耀靈眸絕朗服青霜之袍雲彩亂色非錦非繡不可名字頭作三角髻餘髮散垂戴九雲夜光之冠曳六尺火王之珮垂鳳文林華之綬腰帶流黃揮精之劍上殿向王母拜母坐止之呼坐北向夫人設廚亦精珍母勅帝曰此真元之母汝當起拜帝拜畢還坐夫人笑曰汝好道乎聞



數招方術祭山嶽祠神靈禱河川亦爲勤矣勤而不獲實有由也。汝胎性淫胎性奢胎性酷胎性賊胎性暴暴則使氣奔而攻神淫則使精漏而魂疲奢則使真離而魄穢酷則使仁喪而自攻賊則使心鬪而口乾不能遣此五難徒自勞也。帝下席跪謝母謂夫人曰此子勤心已久而不遇良師當疑天下必無仙人。是故我發閤宮暫舍塵濁帝見母玉笈中有紫錦囊啟問何物母曰此五嶽真形圖也。昨青城諸仙就我請求今當至彼付之帝請瞻覽母曰此三天大上所出文祕禁重豈汝穢質所宜佩乎帝叩頭固請母曰欣子心誠今以相與當事如君父不可玩褻夫人語



例景君  
無常先  
生

青真

小童

紀離容

帝曰子得其真形而無六甲靈飛十二事不能用也帝復  
請教誨母亦爲言之夫人曰阿環不苟惜但蒙例景君無  
常先生傳靈飛之約授女不授男所以不能伏見扶廣山  
青真小童受六甲靈飛於太甲中元與環所授相同今可  
勅取之夫人即命侍女紀離容徑往扶廣勅清真出六甲  
左右靈飛致神之方十二事須臾侍女還捧五色玉笈鳳  
文之蘊以出靈文夫人一一手指所施用節度示帝告曰  
夫五帝者方面之大精六甲六位之通靈佩而尊之可致  
長生母曰此太上所撰藏於三天紫陵之臺匪人弗傳不  
可不慎也因授以五嶽真形圖帝俱拜受夫人自彈雲林



白四非  
不心瑤池之許

之璫母命侍女白四非歌而和之歌畢乃告以從者姓名

及冠帶執佩諸物之名

所以得聞而紀

將旦母起座將行遞一物

於帝曰是名堯木香其末產於堯渠國乃丸如豆粒善穰

災疹非常品也帝再拜捧受母與夫人同乘而去人馬龍

虎導從音樂如初極於西南乃沒帝至此始信神仙之真

有藏靈香桃核於內府以傳示後世以五真圖及六甲真

文藏以玉函金箱珊瑚為軸紫錦為囊安供栢梁臺上帝

謂弼曰昔東郡進短人卿適至短人謂朕曰西王母種桃

筆亦不可少

三千歲一結子曼倩已二偷之初以為妄此人亦非凡輩

呼之已不知所往自此帝甚重朔拜太中大夫其秋有星



弗於東井關中地後十餘日有星弗於三能有司言陛下誠

意封禪天其報以德星云壬申二年夏關中疫死者相枕

帝出內府靈香命塗於宮門疫厲頓息是冬郊雍五帝還

祠太乙作明堂於岐山以配泰山癸酉春天旱帝禱雨於

東萊縣北沙上夾掖河兩岸沙長三百里後各萬歲河萬里沙過祠

泰山還至瓠子時河決濮陽帝臨河沉白馬蒼璧致祭而

回使汲仁等塞之越人勇之進言曰越俗信鬼故其祠數

有效東甌王令巫立祠建臺祠天神上帝百鬼而以鷄卜

壽至百六十歲後世怠慢故年亦衰耗帝信之始用越祠

鷄卜三月公孫卿言仙人好樓居於是帝作有山宮建章

汲仁

勇之



宮光明宮千門萬戶皆極侈靡欲神仙來居其上令長安作蜚廉桂觀甘泉作益延壽觀興遼天臺置祠其下以招來有道夏四月有靈芝三種生於殿防內令移植殿前謂之芝英作芝房之曲歌之時百餘日不雨公孫卿曰黃帝封則大旱三年謂之乾封今尊祀靈星其或河水不枯竭禾稼可滋帝令天下祠靈星未幾甘霖曰布惟河北無雨東方朔曰秦并六國時太白星竊織女梁玉清衛承莊逃入衛城少女洞四十六日不出天帝怒命五岳搜捕太白

口梁玉清

口衛承莊

口子休

歸位承莊逃入龜山玉清謫北斗下常春生子名休配於河伯駮乘行雨每至衛城耻母之奔輒迴駁故常少雨是



朔既仙矣  
宜其通靈  
非博物也

霍光

夏朔奏輔弼星昏暈至秋衛青卒甲戌夏復大旱民多渴  
死冬帝幸雍郊祀從可西歸過長平坂有蟲盤覆於地色  
如生肝頭目口鼻皆脩帝問羣臣朔曰此必秦故獄地始  
皇拘殺無辜憤氣所生帝按地圖詳之果是問何以去之  
朔曰積憂者得酒則釋帝令以酒灑之其蟲立消益信朔  
之神異是年張騫莊助汲黯皆卒霍去病先於元狩六年  
卒去病微時常禱於甘泉神君現形願與之為婦去病大  
怒謂其妖邪不<sub>是正氣</sub>正後去病疾篤家人復請神君曰初謂霍  
將軍體弱壽命弗長欲以太陰精氣補之將軍不悟認為  
淫慾遂爾見絕今不可救矣去病臨終薦異毋弟光<sub>字子孟</sub>



閔弘

樂巴

召拜奉車都尉乙亥冬詔令州郡舉茂材異等者千乘大  
守閔弘上書言豫章太守樂巴深有道術巴字叔元蜀郡  
人好道術不營俗事遊青城深處見五人騎木羊至即葛  
由與四治仙會後縱遊東南見趙陀築都城因言八世興  
衰仙家快樂治仙曰會所見羣仙或駕鸞鶴上冲霄漢或  
乘蛟龍直入深淵真令人愛羨由曰升天履海仙家常事  
但未見入地而行者治仙曰微子言我等已忘之前於大  
世帶起下文  
治山見一女子曰班孟不知何來能飛行經日又能坐虛  
空中與人語常入地遊行初沒足至胸旣而但餘頭髮頃  
之盡沒不見以指刺地即成井可汲吹屋則瓦盡飛去舍



葛法想  
齊班處學

墨汁嘆之滿紙皆成文字悉有意義飲酒餌丹據云已四  
百歲顏色更少今在大冶欲煉大丹同往晤之且為君作  
媒何如由初不欲載勸乃從四仙往達其事孟曰學道中  
條天姥即約我曰修煉大冶緣成遇葛師命已然後何辭  
焉遂擇日招由成婚宴飲經旬附近諸山洞仙真自來慶  
賀由復邀四冶西遊故地蜀山惟青城為第一常竟日盤  
桓適遇欒巴見其神采迥異延上綏山飲酒食桃更傳以  
道法巴歸試之累驗時王吉已遷蜀郡太守聞巴名躬詣  
巴家請為功曹其尊禮之問巴曰道術寧可試乎巴曰唯  
平坐却入壁中去冉冉如雲氣狀須臾失巴所在壁外人



見一猛虎大驚走避虎徑入欒舍中共往窺視已則在焉  
大人虎變威而不猛君子道長感而遂通

帝親受金母上元之訓而不能信從修煉豈非溺於富  
貴之病乎故貧士入道猶易雖然烏知帝之不能修煉  
也又烏知貧士之果易入道也

欒巴除怪至解職追尋求君山酒不自飲而進於帝可  
謂忠君救世者矣宜其得道之易曼倩以帝未應仙去  
故敢於竊而恣飲若帝飲而上升漢天下竹何究竟曼  
倩之飲妙用也閱者勿僥喜其滑稽



妖狸

可見神廟之靈黃皆

非異著

〇〇除怪狸藥已施法 〇〇飲仙酒曼情滑稽

後舉孝廉除郎中出守豫章廬山君廟神靈異能於帳中

與人言語飲酒畢空中投杯下地人皆往廟求福能使江

湖中分風使船往來皆得已往謁神便逸去已識之曰廟

鬼詐為天官侵損百姓日久罪當治若令其避去又必枉

病良民乃於廟求其踪跡揚言推問其山川社稷之事鬼

鬼亦文

乎

終不出遁去齊郡化為書生善談五經太守問弘悅其才

以女妻之已上表請假遊行緝捕復入綏山請四治仙同

行糾察此鬼所在知往齊郡已逕見弘謂之曰公壻非人

也是老鬼詐為廟神今走至此弘召壻出見書生匿房中



獨足鬼

不出巴曰出之甚易請太守筆硯作符符成長嘯一聲空中似有人攝符去一堂皆驚此符直從憲檯中飛入書生見之向婦涕泣曰我不能違去必死矣遂自捧符至庭見巴逡巡不敢前巴叱曰老鬼何不復爾形乃應聲變為狸墮下叩頭乞活巴勅殺之空中刀劍交下狸頭墜地弘女已生一兒須臾亦化為小狸巴令捉出撲殺弘捧金帛為謝巴不受而去還至豫章郡中時多獨足鬼為崇百姓驚惶病者甚衆巴到後此患倏除適帝招致茂才弘薦巴徵為尚書郎帝問其道術巴對曰雖有微術皆用神將試之有指稍有緩急當用命巴言臣讀君山記云有美酒數十



飲者即仙。是冬帝即南巡狩，至君山求仙酒。惟聞酒香，不數日不得。巴曰：成仙之物，非可易得。臣願留此，務得其酒。來見帝，更欲禮祀南嶽以衡山阻遠，從臣亦憚南行。博士進曰：瀟縣之霍山，形與南嶽小似，又名天柱，可移祀嶽神於霍等一禮也。帝回江陵，至六安登瀟之天柱，禮祀衡山之神，號天柱爲南嶽。上有天池，龍湫凌霄大樹，留遊五日。望秩南之名山大川，浮江而出，擬陽一路，致祭仙靈，棲土之所。過彭蠡，登祀廬山君廟。復由潯陽北上，金鼓之聲驚動江中。惡蛟帝舟將覆，慌迫之際，一人控弓復水至帝船。恭身曰：兄俗感帝顧，紀故命續來，扈駕連發，斂矢蛟妖盡。



滅風浪頓平壯士忽不見帝驚異博士曰聞南障有匡阜先生名續廬山君之弟此或是也遂封續爲南極大明公立祠於虎溪列於祀典帝北至瑯琊傍海遊行四月中至奉高修封禪之禮阮丘冠章甫衣黃衣携琴曳裾來迎謂帝曰今日勿登泰山登必傷足帝不之信及上行數里至一殿少憩忽左月梁折墜下左右忙扶帝走已傷是指帝見丘言果驗封禪丘君食邑稷下帝不能行禮但祀而還下山居明堂養傷有濟南公玉帶進黃帝時明堂圖帝令如圖作之回至長安樂巴從君山得仙酒回帝令封國置殿上明日禱祭神人然後飲是夕東方朔值伯竊開罍飲

公玉帶



竭醉倒殿下帝怒欲殺之俟其醒而後加刑三日始醒從

容見帝曰臣獲罪當死然仙酒有驗殺臣亦不死若殺臣

話善解

而死是酒亦不驗為醉人害人之物耳帝笑釋之謫使西

北諸國得異物贖罪時連大旱欒巴奏有龍嶠經誦之立

致雨帝令建壇巴捧經登誦未及半滿空萬龍旋繞大雨

滂沱帝敬巴如神明丁丑冬帝東巡冬至朔祠上帝於泰

山行封禪禮先祠太乙於明堂太祝奏稷丘君於前月尸

解遺一琴獻上令收入後車為之立祠置百戶奉祀帝自

受王母上元法後意旨閒暢高韻自許叢植桂於壇旁夔

寐思接當謂神真見降必當度世恃此不修至德更興臺

神仙所製  
小物亦靈

壺遂

司馬遷

館勞敝萬民路盈愁歎是月乙酉日栢梁臺火所藏圖經并箱函並失以勇之言作建章宮治大池漸臺池名太液中凝為海中神山更立神明臺并幹樓復鑿影娥池昆明池石鯨每風雨至則楊髻鼓鬣時有釣於此者鯨食餌被鈎絕綸而去乃見夢於帝求去其鈎明日遊池上見一魚啣鈎浮沫帝曰非昨所夢者乎取魚去鈎放之後日帝復遊池上得明珠一雙歎曰魚之報耶復穿水為曲江每宴臣於此是夏公孫卿壺遂太史令司馬遷等言歷紀廢壞宜改正朔詔兒寬與博士等共議皆謂宜用夏正詔卿遂等共造歷曰始以二月為歲首色尚黃數用五應土德也



唐都

開蒲子八唐都年百歲巴西洛下閼字長公皆深明曆理

洛下閼

徵爲金馬待詔改造太初曆渾天之學遭秦而滅閼與耿

耿壽昌

壽昌物色得之耿年少善算有記才因用以泰酌時改元

太初

大初帝所幸李夫人

名嫫嫫

淡於紛華帝欲侯其尤廣利夫

李凝姬

人以無功不可詔拜爲貳師將軍命伐大宛取善馬戊寅

李廣利

二年春二月石慶卒帝以公孫賀爲丞相夏五月東方朔

公孫賀

從西那邪國還得風聲木十枝以獻長九尺形如指出因

洎之水實如細珠風吹如玉聲郭瓊曰此木若汙出則人

有疾死亡則枝斷折朔曰此木五千歲一濕萬歲一枯也

帝賜一枝於朔一賜公孫賀留供八枝於鼎湖宮朔言峯

山陽有丹木黃花而朱實土人云服之長壽但當俟千齡也。乙卯正旦朝賀畢帝賜百官酒宴飲聞欒巴踉蹌而至面帶酒容帝笑謂曰元旦大會卿獨後何也且罰一觴巴接酒沉吟向西南三嘆之有司奏巴大不敬巴曰臣之鄉里以臣能治鬼護病生爲立廟今旦耆老到廟享臣不可委之是以畧有酒色適見成都市上失火未熄臣故激酒爲雨以救之當請詔問帝發驛書問之成都守臣奏正旦食後有一足赤烏向民戶呼氣即廷燒不已頃更有大面三陣從東北來火乃止其雨着衣冠皆作酒氣帝驚歎呼巴爲先生問赤烏何能到人東方朔曰祝融神有畢方鳥



韓太華

回祿司之其所至處即火災是春樂已忽病臨終謂家人  
曰吾將入蒙山從羨門生遊帝知其解去命葬於甘泉西  
麓方士有言黃帝時作五城十二樓以候神人於執期帝  
命作之悉如其方朔曰聞昔黃帝一世爲民修世間福再  
世得爲臣修出世功德三世乃得爲君遂捐棄萬機得鼎  
煉丹乘龍升去帝王能承御乾坤順逆之道則千載之壽  
亦未爲多若功崇行著白日上天亦分內事徒以征伐爲  
威武建作爲奉候臣恐愈遠仙道矣帝色愠時李廣利進  
圍貳師城大宛出善馬無算盡取之而回詔封海西侯廣  
利妻韓太華

安國之妹

少解道德屢勸夫行仁及捷音至歎曰

韓安國

殘人家國以為功可同羣乎將與小姑南入越州矣遂無

疾而化庚辰夏李夫人卒帝悲悼勅葬於雍每歎曰安得

如文成之術者乎董謁曰黑河之北有對野之都地出潛

英之石其色青質輕冬溫夏涼刻為人形則夫人之神來

天漢

附帝令仲君一行盛其車從明年改元天漢辛巳元年遣

蘇武

中郎將蘇武使匈奴單于脇誘不屈置大害絕飲食數日

李陵

不死匈奴以為神李陵廣孫善射有祖風壬午與廣利北擊

陵獨遇戰矢窮降於匈奴帝遂族其家司馬遷為陵辯而

擊峻

下以腐刑遷乃作史記以與京兆摯峻交好峻退隱於岍

山遷既親貴以書勸進峻報導之遷果以悔吝被辱峻高



王賀

尚不仕治守清節

後卒所入立祠號岍居士

時尊用酷吏盜賊滋起王

賀為繡衣御史逐捕魏郡多所縱舍以奉使不稱免歸賀

初舉其基

歎曰吾聞活千人者子孫有封吾活萬餘人後世其興乎

冬十月帝升蒼龍館凝思仙術召諸方士言遐方之事衆

莫對東方朔操筆疏曰臣遊北極至鏡火山日月所不照

有龍銜火以照山四極亦有園圃陂池皆植奇草異木有

明莖草如金燈折為燭照見鬼物形象亦名照魅草洞

草嘗東遊吉雲之地得神馬一匹高九尺王母乘雲光輦

以適東王公稅此馬於芝田未及收逸於清津天岸臣至

王公壇騎此馬而返繞日三匝於馬上睡一霎不覺還至

以手難聽

迨入漢關門猶未掩因其捷足名步影駒九景山東有吉  
雲草十頃二千年一花今年應生臣往刈之以秣馬更肥  
健其國嘗以雲氣占吉凶若有喜慶之事則滿室雲起五  
色照人著草樹皆成五色露味極甘帝曰吉雲五露可得  
否朔曰臣脩此馬立至日可二三往若五露去時且看言  
記而去至夕乃還得吉雲草一束玄白青黃之露各五合  
盛以青琉璃瓶授帝曰適當其時而得此露飲之老者皆  
壽疾者皆除帝遍賜羣臣曰可償君山酒矣後彗星現西  
方朔又進指星木於帝教指彗星應時而沒癸未秋上林  
獻棗帝以杖擊未央殿楹呼朔曰叱叱朔來朔來知此籙



西使

武帝能識  
異人

中何物朔曰上林獻棗四十九枚帝問何以知之朔曰呼  
朔者上也以杖擊檻兩木林也曰朔來朔來者棗也叱叱  
者四十九也帝大笑賜帛十疋時又東巡由太行以祠恒

其來亦突

山祀畢下山一人突眼捲鬚雲衣螺帽非中國人相捧靈  
膠一函吉光毛裘一襲獻上帝問其何來答曰西王母遣  
來謝延靈之款帝恐是真不敢褻之乃收其二物載以後  
車東至陽丘見一老父鋤於田間狀如五十許人面若童  
子頭上有白光數尺怪問之答曰臣年八十五時衰老垂  
死有道士阮丘教臣絕穀服朮飲水并作一神梳與我中  
有三十二物其二十四以象氣其八以應風臣遵行之髮

泰山老父

轉黑齒更生日行三百里今三百八十歲矣阮先生云在

泰山候我將入山求其大道帝喜賜以金帛得傳其方老

父拜謝而去

後入泰山或十年成五年一還鄉里皆呼為泰山老父二百餘年乃不復還

甲由

春帝巡至青齊遍遊諸山於一山得玉函一方長五寸令

收之下山函忽化為白鳥見其足青嘴赤素翼絳頰向西

飛去帝異之時四來使者在側曰此山上有王母藥函常

令是鳥守之亦王母使者也遂名此山為函山至秋帝幸

華林園射獵弩弦忽斷西使請以所獻靈膠續之帝初不

靈膠當續

知其妙付諸外庫今取試之使者濡膠續絃粘連和潤與

未斷者無異帝令二武士對掣之終不脫視其膠色如碧



玉帝問其出處對曰出自鳳麟洲洲在西海中地面正方  
皆一千五百里四圍弱水繞之上多麟鳳數萬萬羣以鳳  
喙及麟角合而煎之名續絃膠又名連金泥已斷之絃已  
折之又以膠連屬較勝於初帝更問裘之用使者曰吉光  
神馬壽五百歲取其皮為裘能入水不濡跨火不焦帝始  
異而珍藏有道士張方見帝言世不乏也男女皆可入道  
自云漢中入其里有褒氏女褒君之後居漢沔之間幼而冲靜  
無營及笄浣紗湍水上忽雲雨晦暝若有所感而孕父母  
責之褒女憂憤而卒臨終謂母曰死後見葬願以牛車載  
送西山之上父母殮置車中表及駕牛其車自行踰漢橫

流而渡直上盡口平元山頂即盡口家人追之見五雲天樂

幢節導從昇天而去止存空棺同時近地有麗女不食腥

羶素慕清虛每云我當登天不願住世父母以爲戲言因

行經東武山下即庚除化忽有神仙飛空而來旨南向北尚逾

十里女端立不敢前進羣女真齊至山頂化城樓宮殿一

仙姑下山身光五彩召女入宮闕仙靈羅列儀仗肅然謂

女曰汝有仙骨當爲上真太上命我等授靈寶赤書玉篇

真文按行之飛昇有期女問是何仙真仙長曰我阿丘曾

皇妃也昔亦受此書文奉行爲主仙道君之輔弼昨麻姑

主仙君道朝見道君云有趙方二徒應早入仙奈何皆有貴夫縈繫



俱不得吉祥而化子將證位崑崙故來召子以補其缺話

畢領羣真飛去麗女既受真文居家勤修九十日三斬赤

龍道君命褒女來迎遂白日上昇帝聞其異勅邑長立祠

二處四時祀之

灋口祠極靈凡大早禱之立應灋口山頂雙轍迹猶存

未幾張方辭

去帝留之不得棲於東武山石室有赤虎踞坐瞪視口角

流涎方不之懼

至元康中亦成道昇天

西使謂帝曰張道士所言皆

實臣在崑崙嘗聞之乙酉春西使辭去三月帝東至泰山

修封禪事令植栢百株以祝壽還至武垣見青紫氣自地

屬天望氣者言此乃貴人氣推得其下有奇女子合天子

之祥也帝訪之果見一女子在空室中姿貌殊麗兩手反

屈如鈞令展之數十人不能擘帝自披之即開中握一玉鈞問其姓氏從來女曰妾齊郡趙氏女少耽清淨卧病六年遇神人麻姑賜玉鈞令緊握之居此空館靜俟言有能開汝手者即可托以終身含章可貞遲歸終吉

巴之術非勝於五仙而祈雨救火五仙若弗及者何也蓋法術乃仙家餘技故以讓巴耳

鈞弋夫人爲痛氏後身故麻姑授以道術而天厄之言又早示臨終之兆特以夙因未了不能度之以去或亦前生餘業耳



○○瑞氣現鈎弋逢君○○巫蠱興衆仙避世

今年已二十由是帝用聘禮往其母家求之載歸後宮進

為婕妤還過常山祭麻姑於渤海滄州有麻姑城歸建一宮於城

趙婕妤

外曰鈎翼後避諱改弋使趙婕妤居之婕妤解黃帝素女之術

太始

帝甚寵之呼曰拳夫人又謂之鈎翼夫人以是年為太始

程偉

丙戌二年黃門侍郎程偉逼妻致死帝令捕殺之偉素好

方氏

黃白之術妻方氏能通神變化偉常從駕出而服飾不脩

心以為憂妻曰止欲衣耳何愁之甚耶言未已即有兩縑

至前用以為衣偉猶不以為異偉常按枕中鴻寶連時作

金不成妻即因爐中水銀出囊中藥少許投之頃更成金

道之不  
輕如此

胡說

偉始驚曰道在汝處而不早告我何也妻曰汝之骨相不  
應得得之者須由天命偉急欲授方乃日夜說誘之賣田  
產以致美其衣食如此年餘終不肯言出與侶伴謀之歸  
即威之以杖妻輒知之曰傳道必當得人如其人雖道路  
相遇則當傳非其人雖寸斷支解終不傳也偉仍逼之不  
已方氏發狂裸身而走以泥自塗其面後遂蹶然卒於道  
拳夫人歎謂帝曰方氏與妾同師彼先適匪人以致此辱  
然已得尸解之術非真死也帝怒擊殺偉拳夫人始懷十  
四月於丁亥三年生一子名弗陵帝命其官曰堯母門  
十四月而生也戊子秋七月東方朔所供風聲木忽折知將去世

弗陵



張齊

張極

東方坦

明哲真言

有三子。長曰齊。次曰極。次曰坦。誠之曰。

明者處世莫尚於中。優哉遊哉。與道相從。首陽為拙。柳  
惠為工。飽食安步。以仕代農。依隱玩世。詭時不逢。才盡  
身危。好名得華。有累羣生。孤貴失和。遺餘不匱。自盡無  
多。聖入之道。一龍一蛇。形現神藏。與物變化。隨時之宜。  
無有常家。

大伍公

令齊極復姓張。坦仍姓東方。朔嘗謂同舍郎曰。天下無能  
知朔知朔者。惟大伍公耳。一旦有碧龍下迎。遂乘之飛去。  
有神異初朔聞甘泉宛若年百餘歲。有少容。請娶為小妻。  
經行世是日宛若亦死。時人謂與朔俱去。同舍郎以朔言奏聞帝。



御和

召大伍公問之對曰不知帝更問公何能曰惟善星曆帝  
問諸星具在否曰獨不見歲星六十九年今復見耳帝思  
之正合朔之年壽仰天歎曰朔在傍四十八年朕不知是  
歲星哀哉惻然不樂者竟月勅以朔之衣冠葬於平原重  
丘時四夷平伏帝以明年為征和春三月董仲君北還得  
潛英石上獻令工人刻李夫人形貌置輕紗幕中婉若生  
時帝大悅問得近視乎仲君曰此石有毒不可迫近帝雖  
從其言然常形之夢寐作歌憶之築夢臺歲時祀其上  
仲君恐帝傷於悲感陰碎此石帝乃已其夢思仲君云先  
經閭河北之紫桂林韓終曾於採藥復至閭海路遇墨



楊遼

江充

田千秋

子於蒙穀之山稱爲若士與談三日皆至真道語帝遂遣  
楊遼爲使束帛加璧駟馬安車聘之十一月帝居建章宮  
靜坐瞥見一男子帶劍入中龍華門驚咤忽不見令軍上  
大索十一日乃已帝往謁上林神君曰此神人報帝之聽  
讒將有家變也太子據長而仁恕帝嫌其不類已寵寢衰  
時方士諸巫聚京師女巫入宮教美人理木人祭祀可以  
度厄是爲魘禱妒忌者爭相告許謂咒詛於上帝以心疑常夢  
木人數千來擊體復不平令江充治巫蠱之獄充譖言太  
子宮得木人尤多帝怒使充往捕太子先捕充斬之帝怒  
甚衛后自殺太子亦自刎辛卯春田千秋訟寃帝大悲感

猛獸

月氏使

作思子宮歸來望思之臺帝幸安定散遊有西胡月氏國  
王遣使來貢奇香四兩人如燕卵黑若桑椹帝以香非中  
國所乏付諸外府又抱獻一猛獸形如五六十日犬子大  
如狸其毛黃其氣禿帝問曰此小物何謂猛獸對曰夫  
威加百獸者不必計其大小是以麟爲巨象之王鳳爲大  
鵬之宗也臣國去此三十萬里常占東風入律百旬不休  
青雲千呂連月不散者中國必有好道之君國王仰慕故  
搜奇蘊而索神香步天林而請猛獸此獸乃崑崙岡上開  
明天獸之種也乘肥車而濟弱水策驥足以渡飛狐勢濶  
逕途艱苦蹊路十三年始得神香辟天殘之死疾猛獸却



都去也

百邪之魑魅二物實濟衆生之至寶陛下乃不知貴乎是臣國占風之謬也帝勅獸發聲使者以手指之獸舐唇良久忽如霹靂兩目如礖礧炎光帝顛蹶掩耳武士皆失隊仗帝忌之令付上林苑作虎食羣虎見獸相聚屈跡帝限使者言不遜欲罪之明日遂失使者及猛獸所在是秋董謁李充郭瓊黃安孟岐五仙臣相繼而死冬十一月廿泉神君亦不知何往諸侍中亡去相半壬辰四年田千秋請罷方士侯神人者帝從之於是公孫卿謬忌寬舒勇之公玉帶皆罷去此皆悟道以後之反言也自後帝有得於靜養每歎曰向時愚惑爲方士所欺海內豈有仙人言者盡妖妄耳惟節食服藥差可

廖冲

後元

少病而已公孫賀家於己丑春正風聲木平折至是坐子  
盜北軍錢身族誅夷是夏田千秋為丞相桂陽廖冲明經  
修行帝聘之冲字清虛聞帝好儒學乃應命及至見帝毫  
荒諸子皆澆汰歎曰根本撥矣不去將以赭衣衣我未幾  
遁歸山中吟眺自適後元癸己夏四月鼎湖宮八枝風聲  
本忽盡失去帝感腹疾秋八月賜鈎翼夫人死許立其子  
為皇嗣夫人歎曰慕塵世之浮華不即隨師修道以致於  
此然母死而子帝我亦已矣遂自勒死以帛束頸為勒初夫人與  
方氏同遇麻姑欲度其出世二女塵心未斷姑謂之曰汝  
二人後當貴然皆遭天厄蓋女以夫為天夫人殯後香聞十里帝



築通靈臺於甘泉宮內以招其魂時有青鳥集於上冬十  
二月楊遼北回言於碣石遇一人顏如五六十歲止臣車  
稱是墨子云將往遊蓬萊聞帝以帛壁聘我不能應命也  
乃出一圖與臣轉謝帝覽之是穆天子駕八駿遊四極圖  
不解其意甲午春正唐都洛下閎造太初曆成知帝將終  
遂辭去臨行書於後云歷八百歲當差一算有出而正之  
者漢人拾秦火之餘古法淪亡都閎欲言歲差之理浸潤  
既久文儒決不能信唐開元中僧一行出當其時乃裁  
定大二人歸蜀入太峨山洞昔鬼谷子見大峨小峨相對  
衍曆  
照應不漏如眉重崖複壁深遠莫測隱而著書都閎從學星曆之術  
功成復來相尋常隨往來於青溪越蜀二月詔立弗陵為

上官桀

皇太子立霍光金日磾上上官桀並受遺詔帝崩於五柞宮

七十一歲在位五十四年殯未央前殿其所玩好皆入梓宮三月葬帝

昭帝

於茂陵興平有茂陵城奉太子即位於高廟是為昭帝帝孺慕生母追

尊為皇太后將附葬茂陵舉棺空如無物啟視但有絲履

起雲即令葬之武帝寢殿中有怪每夜羣臣相驚一日武

薛平

帝忽現形謂茂陵令薛平曰我雖失勢猶為爾君奈何令

吏卒上陵磨劍乎言訖不見平視陵旁果有石可為礪吏

卒常盜磨刀劍者霍光知之欲行捕斬尚書令張安世曰

神道茫昧不可為法光乃止乙未建元始元長安大疫死

始元

者過半帝寢食俱廢楊遼言前使北方路由汾陽遇一人



尹林

姓尹名林云初名澄字初默幼時經行太山見石上懸一青之夜望有光採食之日能行六七百里又於峨眉遇太清真人宋君往朝太乙林叩首求哀得授三皇內文九丹秘訣修之大驗遂能投符水中水爲逆流百步洪濤頓息以藥救暴死者即活善治鬼怪能使自縛而來頗知未來之事於周安王三年應爲道士居於樓觀已四百餘歲今在鄉里救人如召至疫厲不足憂矣帝即厚幣聘至問其救疫之術林曰臣藥所就無多恐難普遍聞先帝末年有月氏使獻返生神藥三枚出聚窟洲人烏山或名振靈丸一種六名實靈物也應山明公以此活廬江王者請以此辟之

香之用大  
見於此

商人

西康渠王

其病自滅帝今取神香燒一枝於宮中香聞百里得嗅者不染疾病者皆起其死三日者熏之復活香氣綢緼數日不歇帝乃秘錄餘香尊禮林於王邸常幸邸諮問一日太微帝君遣仙官下迎授爲太微真人林遂乘雲而去邸吏報聞帝驚異戊戌四年有商人於扶風郿市以青布三十疋錢九萬買得二物武帝舊時左右識之執至都中奏言西胡康渠王所獻玉箱一玉杖一先帝甚愛故入梓宮此商恐盜於茂陵也帝詰其從來商人具說賣者形狀乃知是先帝使人審視陵寢無恙帝命給原值放歸二物藏於太廟未幾抱犢山居民進道書五十餘卷視之皆茂陵所



張慶

藏帝命賚之益信先帝得仙時將作大匠張慶有女曰微

張微子

子少精思於靜寢感格仙真降臨自言東華王妃淳文期

淳文期

青童君之妹爲爾專一故暫降教微子遂拜爲師文期授

青童君

服霧氣之法曰雲霧是山澤水火之精金石之盈氣久服

則能散影入空與雲氣合體微子依法服之得以通靈帝

聞之召入問道微子對曰愛民以養國愛身以養命帝善

之自是微子常遊行於空蘇武羈北十九年前以死聞於

漢及微子歸言仍在海濱持節牧羊帝遣使責索匈奴不

能隱始放還拜爲典屬國辛丑改元元鳳上官桀欲謀殺

霍光而廢帝事洩族誅壬寅春泰山上大石立起上林中

元鳳

僵柳復生

北孝宣之瑞

帝年壯無子多御內嬖元鼎初有神女

來遊招靈閣留一玉釵武帝以賜趙婕妤至是宮人求之

不得謀欲碎之啟匣視釵惟見白燕升天宮中因爭作王

燕釵甲辰夏帝鑿琳池

又曰百子池

七夕臨池張宴令宮女穿

元平

針乞巧先得者為勝後二年三妃並得孕丁未改元元平

上官后

四月帝崩在位十三年

遺腹產二子一女霍光議立昌邑

昌邑哀王

廣利妹李夫人生名體

之子賀奉上官太后詔迎立之賀素狂

昌邑王

縱居喪游獵不止王嘗見大白犬戴方山冠而入王以問

龔遂

龔遂遂曰此天戒也言在側者盡冠狗也王不改霍光憂

田延年

慙無計田延年曰何不建白太后更選立賢者王數出遊



夏侯勝

光祿大夫夏侯勝當乘輿諫曰天久陰不雨臣下有謀上者王謂勝妖言命以屬吏光召問之勝曰在洪範傳曰皇之不極厥罰常陰時則下人有伐上者光益重經術之士

史王孫

會議共白太后使還昌邑初衛太子之子史王孫史良娣生從外

王夫人

家娶丁夫人生子病已遭巫蠱事皆遇害皇曾孫坐收繫

丙吉

獄廷尉丙吉知其冤謹護之望氣者言長安獄中有天子

氣時上林死蠶食柳葉成公孫病已立五字昌邑王廢議

所立未定吉言於光光奏白太后羣臣迎病已即位改名

宣帝

為宣明年建元本始立許婕妤為后己酉二年封昭帝遺

本始

腹子二人為王庚戌二年許后有娘而病霍光夫人顯使

許后

女醫以藥飲后而崩辛亥春光女為后是夏地震明年改

霍顯

元地節癸丑霍光薨帝始親政甲寅夏立子奭為皇太子

霍后

許后以魏相為丞相時霍氏驕侈縱橫帝收其印綬乙卯

地節

欲謀廢天子事覺皆棄市光少子延去病庶孫續在逃初

魏相

茂陵徐生自云名福數上言防霍氏宜以時抑制其權及

徐福

誅霍氏遷福為郎下詔搜黨族滅福極陳二霍有大功於

霍延

是詔留延續繼其宗祀福謂同舍郎曰子將跨鳳遊丹陽

霍續

賀功旋歸東海島上丙辰改元元康時有鳳凰下集彭城

元康

眾以為瑞丁巳二年有司奏丹陽句曲山有茅真人中書  
飛昇萬姓瞻睹帝縣其地曰句容名其山曰茅山初唐葛



回子柞

△許母

○茅盈

按大茅君內

傳矩胃天才

穎悟矯志蕭

枕嘗謂三弟

曰世務紛錯

履永驗職常

慕高祖之選

舉唯願肥遯

之利貞耳年

十八辭親人

恒山讀老千

周易傳采不

服餌潛景絕

歲積六年精

周得河上公指點居咸陽日久知太原茅君之子若孫仁

厚之至而熹子祚更是誠實娶許氏生一子不育過三旬

無子奮志行善施財粟賑濟貧民行三年許有娠於景帝

中元五年十月初三生子紅霞盈天三日因名盈字叔申

目少秉操特異獨味清虛後連生二弟遂別父母入恒山

修道時年十八得遇西城王君即中華總真帝君金蠅子瑋玄王君初在

中嶽後宮林屋洞吳王使韓崇下探授以丹方崇行之有

得精氣永不衰憊仕漢為汝南太守在郡十四年治政為

天下最王君又降挈入大霍山洞同煉崇得上昇王君巡

遊五嶽偶至恒山茅盈遇之拜為師叩至真上道王君惟

愚誠感西王

玄玉女謂曰

西城有玉君

得真道可為

子師矣不迷

尋明發覺悟

徑造西城卒

見玉君重陳

無已玉君顧

左右曰形影

空苦似有志

矣乃接引誘

問戒以勿怠

留洞宮執巾

履之役者十

七年見君謹

察使圭衣書

圖錄復三年

命駕造龜山

漢指音淋宮

仙道行沙卷八

授以餌木調神之法盈行之便得身輕辟穀木餌能補脾氣滿不思食

巫蠱之獄將起國有變異東方所以先去而五仙獨後者無官守也帝未終也時至乃行耳然去必示以死者惡知其不與帝默會以掩俗人耳目

武帝一生好道王母親降仙侶盈朝若歿而寂則所遇諸仙真後將議其誕矣惟茂陵一見郿市再見而箱杖道書復出於世大啟後學之心知仙之不妄尹林之冲舉茅君之飛昇皆詳其始終讀此則知仙之果有而修真者不為色沮矣

華藏



○○大茅君泰山獲偶

○王子淵蜀道昇仙

後從詣白王龜臺朝謁王母乞拜曰盈以不肖之軀慕龍鳳之年以朝菌之脆求積朔之期母愍其志告之曰吾昔

重言之

師元始天皇及昊天上帝搏桑帝君授我玉佩金璫二景纏練之道上行太極下迨十方激月咀日以入天門名曰玄真之經今以授爾宜勤修焉敕王君一一解釋并授寶書四童散盈拜受歸恒山北谷修煉天漢四年三月十八日老君下降得以道成時年四十九忽想還家父母年八旬外優遊自樂盈登堂拜問父怒其久出不事恒業欲手杖之盈長跪告曰已受聖師符籙常有天兵侍衛杖盈恐

第固

第衷

真心修道者仙真樂得而教之

伊子蒲

青與紫有異耶常咀之嚼之

有相阻盈罪益甚父欲驗其言故杖之杖輒折成數段如  
 弓矢之發中壁則壁穿中柱則柱陷始信其道成大弟固  
 字秀次弟衷字思不好玄修勤攻儒術盈家居未幾復東  
 入吳之句曲遇一人乘白鹿來遊曰予伊子蒲先生常採  
 青芝於東山山有神芝五種其三色紫形如葵葉光明洞  
 徹服之拜為太清龍虎仙君子力薄只餌青芝也今幸會  
 子子既受玄真之經尚未得玄真自養之法我當授子即  
 能遐舉飛昇也盈受其教居句曲精修後父母壽終至家  
 行服哭泣盡禮殯葬復去既而固為執金吾衷為西河守  
 將並往官鄉里送者數百人盈亦歸家在座笑謂眾賓曰



我雖不作二千石來年四月三日送僕登仙當亦不戒於

俗人應爾

今日也衆雖應而心不之信時本始四年也至期門前數頃地忽自平治無寸草皆施青縑帷帳下鋪白氍毹可容數百人衆賓畢集大作宴會杳無使從但見金盤玉盃自至筵前美酒嘉餚異果不可名字復有金石絲竹之音滿耳非蘭非麝香達數里少頃仙吏來迎朱衣玉帶者數千人旌旗甲仗光彩奪目盈與家人親友辭別囑曰我在東南句曲山中信者可來會我乃登車乘雲冉冉而去二弟在官聞之皆棄還家求兄於句曲東山向空禮拜曰二愚蒙願從伯氏學道盈與相見曰倍何晚也年已俱老修真不

易初教以延年之法、令長齋三年、授以上道、使存明堂、立  
真之氣、各贈九還丹一劑、并神方一局、固衷佩服之苦行  
六年、亦遂成仙、分居三峰、修持時謂之三茅山、未幾、隊仗  
無數、擁四天使至、皆衣繡執金冊寶物、以詔茅君曰、上天  
知子行滿、特賜法寶、更俟後命、大茅君率二弟拜伏聽命  
上首一人曰、僕乃繡衣使者、冷廣子期奉天皇帝遣、賜  
神璽靈策、一人曰、予三天左宮御史管修條奉太衛帝君  
命、即玉晨賜子八龍錦輿、紫羽華衣、又一人曰、臣奉太上  
道君命、賜君金虎真符、流金之鈴、乃協晨大夫石叔門也  
一人曰、予太極真人、領金闕聖君命、賜子以四節燕胎流

冷廣子期

管修條

太衛帝君

石叔門

金闕聖君



五忠

鮑丘

明神芝遂使正一上玄丘王忠鮑丘等付諸法物大茅君起身恭受佩璽服衣正冠帶符握鈴食芝再拜謝恩使者授策既畢各騰空去大茅峰半一第自愧道德未孚退有繡衣亭居左右二峰勤修西靈王母知茅君道成與上元夫人往約南嶽赤真人方諸青童道君并其師西城總真王君各以方面車服降句曲之山金壇之靈華陽天宮先使侍衛至其庭傳命茅君盈拜迎王君為盈設天厨醉宴歌玄靈之曲宴罷王母偕王君省顧盈之二弟授以靈訣道要母命上元授固衷四部寶經母執太霄隱書命侍女張靈子執交信之盟授之三君受訖王君亦授賜命紫素之冊

張靈子

宋辟非

李方明

固爲定錄君、裴爲保命君、亦侍真惠、復告二君曰、夫人乃  
三天真皇之母、上元之高尊、統領千萬玉女之籍、汝可自  
陳二君前、拜求道、夫人憫之、命侍女宋辟非出紫錦之囊、  
開綠金之笈、以三元流珠之經、丹景道精經、隱仙八術經、  
太極錄景經、凡四部、以授王母、勅持經李方明出丹墀、之  
函、披雲珠之笈、出玉佩金璫、經洞飛二景、內書傳授畢、母  
與夫人告去、赤青王三真相將而起、千乘萬騎、衛歸太虛、  
盈縮雙髻、披鶴氅衣、駕猛虎車、令二弟乘黃鶴、後隨白日  
昇天、霞光萬道、人民皆禮拜瞻仰、時元康二年八月己酉  
日也、三仙至金闕朝見上帝、帝賜盈紫金如意、瑤草芒鞋、



侍仙

玉郎

固衷各賜大極真圖一轉勅其分司三元各轄三天皆封  
為九天司命三茅應化真君大茅君加封為太元真君受  
紫王之版黃金刻書九錫文命既登是職當時侍仙玉郎  
開紫陽玉笈雲錦之囊出九天生神王章謝恩下殿拜謁  
在天神聖下界度祖宗父母茅山建宮殿以居聖父母  
常言昔日求子之艱今享齊天之福三茅君聞之誓願普  
大德濟天下無後之人先有附近土人祈嗣者輒應其後四遠  
畢至為建祠廟鼎列於三峯極其靈應凡遇春來拜禱者  
傾江以南茅君之親戚相聚來投雜居於市野皆不辟穀  
而火食謂之火居時奉事者甚衆茅君常在帳中與人言

火居

語其出入或發人馬或化白鶴有病者請福煮雞子十枚  
納帳中須臾一一擲出還之歸剖視其中黃者病當愈中  
有土者不愈每以此爲候大茅君之師王君來邀遊泰山  
帝君款留經宿王君曰吾弟有五子一女五子已娶三媳  
女名玉女大仙獨居岱嶽太平頂善諸法術昨聞子能爲  
人廣衍宗嗣是合天地玄機願以玉女妻子子意云何茅  
君沉吟未對王君笑曰子亦聞天台子喬武夷一子婚媾  
之事乎即我兄弟子姪皆有匹偶上聖高真亦眷屬相聚  
而必謂孤修獨處爲道乎茅君不能辭但云還告父母王  
君與之俱往茅山父母唯唯聽命訂於八月月盈之夕至



三疏廣

三疏受

黃霸

泰山完姻至期茅君頂芙蓉冠披凌霄服手執蓮瓣圭腰

繫桃光帶乘赤瑛輿而往儀衛極盛結禱之後另居旁丘

胥山

胥相也後以女夫為婿从士非从土也

為東嶽上卿司命真君代理大

生之案統吳越之神仙綜山源於江左自是往來南北每

歲二月二日駕白鶴來家會羣仙於橋上有司名其橋曰

會仙具諸事上聞元康三年太子太傅疏廣太子少傅流

受各以老疾告退時人謂其見機廣與兄子受深達老子

意旨知功成身退之義同日歸鄉散布金帛保其清貴賴

川太守黃霸力行教化深得民心鳳凰常集於郡城帝知

其持法乎衡所致遷為京兆尹已未春有神雀大如鶉色

神爵

龔仲陽

嵩山童少

金馬

碧雞

王褒

赤斧

有五彩集長樂宮和鳴明年庚申改元神爵帝始幸甘泉  
郊太乙五時復幸河東以祠后土頗修武帝故事謹齊祀  
之禮以方士之言增置神祠有道人龔仲陽者名聖受嵩  
山少童步六紀之法常遊行海內言益州有金馬碧雞之  
神其山峯巒秀拔為諸山之長俯瞰滇池一碧萬頃其神  
隱現於此如往醮祭可致而獲之帝遣王褒持節往求褒  
字子淵益州人刺史薦褒有俊才帝悅其邁軼擢諫議大  
夫至是遣祀入蜀由資中而進夜有老君使來召為仙吏  
明日忽病作卒於道從者還報賜葬於蜀時有巴戎赤斧  
者生時掌中有赤紋如斧形帝聞其異遂命其復往建祠



即以為金馬碧雞祠主簿使奉祀事壬戌春魏相薨丙吉  
為丞相復以黃霸治潁川癸亥四年鳳凰神爵數集各郡  
潁川尤多常集霸堂不去詔使霸爵關內侯徵為太子太  
傅明年甲子改元五鳳會稽太守李子長深念民瘼欲明  
囚情乃以梧櫝為囚人形鑿地為陷以蘆為郭卧木囚於  
中囚罪真木囚不動囚寃木囚動出下單一月民無奸宄  
一郡大治召為京兆尹帝酷好祥瑞合餌丹藥常退朝靜  
養專思至道乙丑二年八月閒居鳳儀殿有人乘雲車駕  
白鹿從天而下年可三十許色如童子羽衣星冠腰繫青  
紫靈芝數枚帝驚問為誰答曰我中山衛叔卿也帝曰是

朕臣也可前共語。叔卿解青芝四本置地頌曰。

青芝青芝佩之植之。奠定邦國。威加四夷。白麟歸華。黃龍來淄。

梁伯

衛度世

忽不知所在。帝始悔悟為真仙。失於覲面。命以青芝植於殿庭。遣梁伯為使。至中山物色蹤尋。衛元君後果有叔卿仙去。其子度世尚在。梁伯告知其故。同還見帝。問其父得仙故。度世曰。臣父常服雲母。導引不交世事。委家去已四十年餘。曾云當入居泰華山。未知何如。帝想歸華之語。復遣梁伯度世同往華山求尋。至山輒有火歟下。欲上不能。積數十日。度世曰。豈不欲與他人俱往乎。乃齋戒獨上絕。



巖火果不發望對嶺石上父與數人博戲紫雲為蓋白玉  
為床有數仙童執幢節立於傍度世遙呼再拜叔卿遂步  
虛涉松稍而至問來何為度世曰帝甚悔前日倉卒不及  
與父言今遣使來願父再往一見叔卿曰前為太上所遣  
誠帝以大災之期及救厄之法而強梁自貴便欲臣我不  
足告語是以去耳今將與中黃太乙等真仙共定天元之  
數不復往也度世問父頃與博戲者為誰叔卿曰許由巢  
父火低公飛黃子王子晉薛容張伶倫也度世曰諸人皆  
飛黃子高輩伶倫何人亦與為列叔卿叱曰小子無知浪言獲罪  
師容乃洪厓先生之徒黃帝之臣也服琅玕花得仙為其能審

介之推

王傳

喬

神精

師曠

音後遂以爲樂官之名。我向寓終南絕頂，唯與此輩往來。豈下俗所知乎？度世深悔失言。叔卿曰：吾齋室西北隅，廡柱下玉函中有神仙素書，汝歸取而按方合服，一年可乘雲道成。早來就我，勿復爲漢臣也。言畢，飛向嶺頭，與衆笑語。移時，皆化白鳥，凌空嶺頭，鬱鬱生霧。度世目斷雲霄，悵快步下。梁伯意其必有所得，叩頭求教。度世見其情行溫實，以實告之。與歸，發柱下得玉函，封以飛仙香印。中有五色雲母，取以合藥，同餌之，俱得仙道。留其方於家。世人多有得之者。帝聞梁伯等仙去，嗟歎累月。丙寅春，丙言薨，以黃霸爲丞相。丁卯秋，甘露四降。明年改元甘露，己巳夏，鳳



河上女子

鳳集汝水新蔡庚午春河上女子掘塚得易全書上之內

京房

說卦中下二篇朽壞不可復識

藏諸秘書之所

辛未四年詔諸儒講論五

焦延壽

經同異於石渠閣趙人京房少從河東焦延壽習

易居三載延壽知其概歎曰得吾道以亡身者京生也其說事長於災變分六十四卦更值日用事以風雨寒溫為候以占驗復入荆之五溪天齊山從河上公學易數年通其大旨公謂曰凡學易者當先審進退存亡之機今子不求微理徒以占候災異為事此易之末也子試退而思之房乃歸研易理以錢合三才之理用之代著擲以見爻以甲子起卦分宮定六親能知吉凶休咎一日嘗語人曰邛

梁丘賀

呂牟

戚氏

張公

蛇滿龍吾心忪忪時從遊者其衆帝求得其門人瑯琊梁  
丘賀故云梁丘易孝友張仲初奉上帝命降生爲趙王如  
意將以拯化生民爲呂氏虐殺其子母嘗蓄宿憤欲思爲  
率然之相盡吞諸呂以報之而諸呂造業深重死拘幽冥  
歷年甚久呂雉始再生爲人仍姓呂名牟爲西海邛池令  
邑多呂姓蓋宿業相尋諸呂造業之黨生聚窮荒戚姬亦  
生於越寯復爲戚氏以前生享福太過此生貧悴之甚所  
嫁張公夫婦以芟刈爲業一日於野外相語曰生身窮困  
年暮力衰六十無子將不免於溝壑乃相與割臂出血瀝  
於石凹中以石覆之拜天而祝曰人皆有子惟我獨無今



金蛇

氣血薄少不能生育願此石下得生動物亦遺體也如意之靈訪尋呂氏適至於此識是母氏一念感之從而寓於石下明日二老復來揭石視之血化為蛇金色寸長母收養之逾年頂上出角腹下生足能變化每天欲雨即起助之身既長大腹量寬甚遇畜類輒食之邑令呂牟有馬呂產報身色潔而駿牧於水際蹄及金蛇互噬吞之牟訪知張老所育拘其夫婦於獄責求妖蛇不得則見殺蛇即化儒生謁之曰為馬而殺人豈令尹之事乎牟怒叱使退生復曰君有死氣浮於面宜修省無致後悔語畢隱形不見咸以為妖如意乃奏天稱冤陳以前世子母慘死今適逢之願

與之較辭上未報即變化風雷呼吸雲霧白晝而暝一邑  
之人相視而語曰汝頭何得為魚以手相捫頭面而泣至  
夕揚海水以為雨灌注城邑圍四十里皆陷後名蛇身載  
父母而出既報宿怨徙居於梓潼縣北八里七曲山即隱  
身於巖穴而露尾雪冤始藏贖罪復出

世稱婦翁為泰山咸以有丈人峰也不知茅君壻於東  
嶽也始見嶽丈之稱固有來歷

天上無懵懂仙人絕頂聰明者俱仙資也若王褒之得  
侍老君是矣吾願舉世聰明之士切勿自輕



〇〇〇 劉涓子注意蘇林 〇〇 莊伯微故誠令母

眾聞五丁氏子能從山募令引之逆出五丁力窮難拔山

忽崩五丁皆化為石有司奏其異帝命賑恤鄰近被災者

張惡子時人因張氏所養之蛇謂為張惡子請立祠祀之其神甚

黃龍惡子父母之墓在東二十里是冬有司復奏湍水有黃龍現帝念衛

元帝叔卿京房之言深自感歎士申春改元黃龍三月帝崩在

二十五年壽四十二葬長安城西太子璆即位是為元帝明年為初元立王氏

初元為后春秋時沙麓山崩晉史蘇卜之曰後六百四十五年

王后當有聖母出於此至漢太始中御史王賀字翁孺徙魏郡

王禁委粟里地賀之子禁生女名政君恰當其時即后也乙

邢陽

王仲都

亥冬十月右扶風太守邢陽上言有道士王仲都者自云  
遊梁山遇太白真人授以虹丹服之能禦寒暑居民相傳  
見之將及二百年顏色常如四十許人元帝召試其術時  
正隆冬令仲都披單衣乘駟馬車從遊上林苑昆明池環  
水馳走帝御重裘猶覺寒慄仲都皆上熱氣蒸然明夏當  
盛暑復召都衣以重綿圍以烈火半日身不流汗口不稱  
熱怡然笑語自若帝益加敬焉是秋忽不辭而去丁丑春  
有臣從蜀郡來言見其在市閒行寄謝天子云即秦人  
仲向間遊淮蔡充齊原多於雍梁駐足將徧行吳楚問越  
昨訪太乙路經蒙山晉謁安琴二先生得藥尚書爲伴琴



先生去濮陽蘇子玄乃當世真異仇太白常亦言及今上  
既子不仁善諸經史何不遣使誠聘或可致而問也帝命安  
車玄纁迎聘子玄名林魏郡人本衛靈公之後分支蘇門  
山因以氏焉秉操卓犖聞舒鄉吳子英者名浚有謝黨之  
志與爲友子英善入水捕魚得赤鯉於淝水持歸蓄之池  
一年長丈餘漸生角異魚作言曰琴先生所種龍子有緣  
度以出世英即挺身跨上風雲擁護而去明歲是日來歸  
仍與妻子同飲食歡笑數日龍復來迎去蘇林知之借居  
吳家守候至期子英果又歸與林細談四五日辭去其後  
歲歲如期回家如此七十年妻故子老不復歸吳楚間因

立子英祠焉蘇林棄家負擔至趙

時年二十一

尋見琴高師之

得授煉氣保命之道奉事歲餘高將他適囑令別圖進步

林拜辭遊華山仇生與昌容居尸鄉西嶽大明真君聘謁

於太白為煉師採藥作丹修令服餌林遇之求其道仇教

以胎息還原守魄之法林行之大益仇曰子真人也我跡

不足躡乃致林於涓子涓子補職須彌暫歸探望諸友見

林歡若平生授以真訣復曰欲作地上真人必先服藥除

去三尸殺滅穀虫三尸者一名青姑伐人眼令人日暗而

皺口臭齒落二曰白姑伐人五臟令人心耗氣少善忘荒

悶三名血尸伐人胃管令人腹輪煩滿骨枯肉焦志意不

三尸神



開所愚不得。若不去三尸而服藥穀食雖斷。虫猶不死。雖  
勤吐納亦無益焉。次无欲。求真者當先服制虫九一名初  
神去本丸。欲作仙人當先服制仙九。制仙者太上八瓊飛  
精之丹。子當急修服之。遂傳以方。語林曰。吾脩位大地不  
可少離。別後林於涓寢室得書一幅。是道林者。其文曰。五  
斗三一云。是上帝所授。今以授子。能精思二十年。三一始  
得相見。但見三一長空不滅。况復守之乎。能守三一名刊  
玉札。吾餌米養精三百年。服氣五百年。精思六百年。守三  
一三百年。守洞房六百年。守玄丹五百年。中間復周遊各  
山。回翔四嶽。休息洞室。守形思真共二千八百餘年。方得

上補天位。子其最之。林省書流涕奉法精修道。成同遊天下。分形散影。寢息丹陵。常賣履市巷。以誡世人。莫能識也。自號長存子。後歸家中。忽於初元四年三月六日。告弟子周義山。黃泰曰。我昨被玄洲召為仙伯。上領太極中侯大夫。當與子別。明旦果有雲車羽蓋。駟龍駕虎侍從數百人來迎。林即登車冉冉而去。明年丁丑春。漢使來聘。已不在矣。義山字季通。汝陰人。勃七世孫。為人沉重。喜怒不形。好獨坐靜處。平旦前常面東漱口。咽液服氣百數。向日載拜。如此經年。父怪問之。遂長跪對曰。義山中心好日光長景之暉。是以拜爾。至月朔旦。漫遊市落。見窮餓之人。即解衣

周義山

黃泰



給食時大儒名士聞其盛德往詣焉。輒稱疾不見。歲災旱  
傾財竭家以濟其困。對萬物臨如赤子。遇陳留黃泰曰。君  
好道陰德流行。誠感於我。是以相詣。吾師蘇子玄授煉身  
消災之術。服氣還神之事。吾奉行甚驗。曷徃師之。義山即  
邀同叩。蘇公欣然曰。聞子少知吞景咽漿。精髓不泄。不復  
須陰丹內術補胎之益。則何由還陽服食衆草諸藥。雖得  
其力。然不得九轉神丹金液之道。不能飛仙也。但可延年  
益壽爾。義山遂拜求長生要訣。蘇公曰。藥有數種。仙有數  
品。有乘雲駕龍。白日昇天。與太極真人爲友。拜爲仙宮之  
主。其位可同真公。定元公。大生公。及中黃大夫。九氣丈人。

仙都公此皆上仙也。或為仙卿大夫土仙之次也。遊行五嶽。或造太清。役使鬼神。中仙也。或受封一山。總領神鬼。或遊翔小有羣集清虛之宮。中仙之次也。若食穀不死。日中無影。下仙也。或白日尸解。死過太陰。然後乃仙。下仙之次也。我受涓子秘要。是中仙耳。子名上金書。當為真人。我之道。非子所學也。今以逐虫尸之方。守三一之法。靈妙小有之書。二百事傳子。須按次為之。義山再拜受教。退而服蒸木五年。身生光澤。徹視內見五臟滌去虫尸。又服神芝五年。目視千里外。日行五百里。遠近濟人疾苦。蘇公將赴召。與石箇一朱柯芳乾芝。謂曰。吾道畢矣。子可遠索高師也。



劉更生

義山送師上升遂巡行名山大澤遇劉更生謂有同門誼

贈陰符經教以明哲保身更生

字子政楚元王五世孫

初病危有賈

復蘇道人以藥救之并授以仙靈丹故名更生文才博雅

陳永伯

好黃老之術聞南陽陳永伯得淮陽王七星散方服二十

陳僧旅

一日忽不知其所在永伯有兄子名僧旅年十七亦服之

其父恐或去繫其足閉於密室晝夜守視至二十八日亦

復不見本方云服之三十日得仙陳氏二人未三十日而

失去後人不敢更服謂仙去必有仙官來迎今但不見人

耳疑為廢方不可用更生求得之并以淮南子枕中鴻寶

秘書詣闕上獻時宣帝初年試之不驗有罪繫獄未幾宣

貳負

危

竅窾

蕭望之

帝欲預作壽陵於上郡雕陽起工發䟽屬山之盤石石室  
中得一人徒裸披髮反縛械一足有司奏聞帝問羣臣俱  
不能對更生使獄吏上言能知召問之對曰少昊時有國  
君曰貳負不道與讒臣危謀殺諫臣竅窾竅窾西遁弱水  
上化成龍首蛇身少昊知之征滅其國戮貳負擒危至其  
右足反其兩手與髮合縛繫之山洞木上今所見者是其  
尸象非真體也意者以靈怪變化而成之耳毀之立見帝  
命取至令人攢擊若樹皮泥屑紛然而解始重更生之淵  
博擢為宗正使親王子弟成就其學帝以䟽屬山不祥別  
營於長安之西元帝初年蕭望之薦更生為左拾遺戊寅



永光

劉向

石顯

建昭

竟寧

成帝

主鳳

建始

為永光元年遭宦賊擅權更生每多抗論而上不報乃更  
 召向庚辰三年向言京房深抱異材遇明時不出為人物  
 之惜帝徵為侍中待以優禮辛巳六月晦日蝕命占之得  
 易之否房曰否者塞也小人道長之象時宦宦石顯等專  
 權房常以微言諷帝不能用癸未為建昭元年明年以房  
 為魏郡太守未幾顯讚房誹謗天子遂棄市臨刑曰房先  
 爾等三四年死耳所著有易林行於後世戊子竟寧元年  
 夏五月帝崩在位十六年壽四十三太子驁即位是為  
 為大司馬大將軍領尚書事封王氏五舅皆為侯六月黃  
 霧四塞已丑為建始元年石顯以罪免歸病死於道帝耽

許后

谷永

谷春

河平

安丘之望

於酒色委政外家。庚寅二年立許氏為后。壬辰夏雨大雪。召直言之士詣白虎殿對策議者多歸咎鳳等。谷永獨倚附王氏。擢為光祿大夫。永本櫟陽人。其兄谷春少從太白山先生學道。時為郎中。聞弟阿諛權貴。忽自患病死。而尸不冰。家人棺殮。未敢下釘。其後乙未。河平三年。新豐縣民見春衣緋紅。裹青幘。坐縣門上。邑人驚報其家。家人來迎春。不肯歸。留門上三日去之。長安坐橫門上。知而追之。復去之。太白山家人發棺檢視。有衣無尸。乃具奏朝廷。立祠於中山上。春時來祠中留宿受享。安丘望之以恬靜不求仕進。號安丘。又人帝歡見。不得以其道德深重。當師事之。望



之不以見重為高日益損退為巫醫於民間著老手章向

此老哀蕭大傳遭宦戚諸死而說名者

帝以中官秘書成敗敗亡使謁者陳

陳農

農求遺書於天下遷劉向為光祿大夫同登未央宮天祿

天祿之昌

閣校之向以王氏權位太重乃因而書洪範集合歷來符

司祿之獸

似羊而

瑞災異之說著其占驗凡十一篇及洪範五行傳論奏之

帝心知向精忠丙申上元之夕向正秘書閣上夜暗獨坐

有黃衣老人插青藜杖叩閣而進向閣之老人曰吾乃太

乙精也天地間卯金之子忠誠博學故下觀焉乃吹杖頭

有火熒然作照與向共談開闢以來事先受向洪範之文

乃自出懷中竹牒有天文地圖授之至曙而別自此學問

成公

陽朔

鄭樸

王勇

王莽

鴻嘉

永始

更退搜羅諸奇作列仙傳三年告成河東一老自隱姓名  
 常誦經不交世利時人號曰成公公哂曰幸與帝同謚帝  
 聞之往訪公竟不屈節帝曰朕能富貴人能殺人子何逆  
 朕公曰陛下能富貴人臣能不受官祿陛下能殺人臣能  
 不犯法帝不能折使即二人就受政事卜二篇陽朔二年  
 王鳳聞褒中鄭樸字子真甚賢累聘之不應隱於箕山谷口  
 自適其志時人高之已亥三年王鳳死王勇之子莽折節  
 為恭儉鳳以託太后莽蓋幸辛丑改元鴻嘉乙巳為永始  
 元年封莽為新都侯時許后廢立趙婕妤好為后名飛凡後  
 宮有子者皆致之死故有燕啄皇孫之謠劉向欲感后意



趙后

元延

綏和

哀帝

劉歆

南陽

王公

次古今為列女傳以奏之丁未三年詔罷甘泉太乙五  
 時忽遇大風按本帝異之以問劉向向曰五時始立皆有  
 神祇感應誠未易動詔復其祀宮中夜雨一蒼鹿帝曰時  
 神報我已酉元延元年癸丑綏和元年帝無嗣立定陶王  
 欣為皇太子以王莽為大司馬時年二十八時蜀之犍為郡得  
 古磬十六枚於漢水之濱朝臣以為瑞此示自今至莽篡國是當此數是  
 冬劉向卒帝深悼之甲寅三月帝崩在位二十六年壽四十五歲太子  
 欣即位是為哀帝莽薦向子歆為侍中歆總羣書而奏其七畧  
 叙諸子分為九流自按圖讖乃更名秀南陽公主成帝長  
 女也下嬪葬從弟咸公主知葬必亂漢謂咸曰王氏日盛

主成

莊伯微

仙道行游 卷八

華蒲

必有一番吞併我一人當入山避嫌修道作世外無拘夫  
婦不亦美乎咸辭以不能公主聞西嶽多仙真靈聖遂棄  
繁華自往結廬以居修持歲餘精思丹道即有谷真人過  
此見其誠篤引上太白拜見仇先主傳以飛步冲舉之法  
未幾有崑崙使者莊伯微領乘輿陞仗言奉西母命召入  
瑤池授職公主脫履登車侍從簇擁乘雲而去上人奔告  
王咸咸至升層領四望漠然無影惟於后上見所遺朱履  
一雙俯身欲取已化為石咸歎息而歸後名其峯公主峰  
潘安仁為伯微者遼西人也好道而不知求道之方惟以  
之作賦日入時向西北正坐閉目握固存想昆侖積三十年乃見



一女真自稱崑崙山人。憐汝苦志多年，故來度汝。因汝長於貧賤，未爲奇異。若生於富貴者，特起出世之想，捨甘就苦，去炎願涼，其功尤倍。今傳汝以金液丹方，合服之，便可得道。山人旣去，伯微思念同鄉，范幼冲元帝時曾爲尚書郎，善解地理，少遇嵩山宋君授太素胎化易形秘道，其法約其事驗。幼冲行之十年，身有三色之氣，家積黃金朱砂，爲修丹之用。伯微投之，密述其故。幼冲欣然出金砂同煉，一年丹成服之，皆得飛昇。彼同有是心，兼金可斷，此之謂絜矩要道，堪推。

歷觀爲君之好道，皆好戲術耳。如元帝之於仲都，旣試




其能而不求其道。招之何益。迨其去而復迎。聘蘇林神  
仙。豈玩具耶。

琴高仇生仙之散逸者也。然毫無自滿之意。致蘇林於  
涓子。使學真道。豈二仙猶未真耶。特鄭重其辭。令學者  
尊崇道德耳。

太乙燃藜天祿而列仙傳作此。有關於仙者也。若其諸  
事錄入。特取忠貞耳。須知仙者真也。忠者正也。真與正  
無二也。凡集中無仙處。所載皆然。

伯微存想崑崙而崑崙山人即至。授以金液丹。方可見  
道不遠人。昆侖甚近。還丹不必外求也。







仙豈玩具耶

僕爲仇生仙之散逸者也。然毫無自滿之意。致蘇林於  
海。使學真道。豈二仙猶未真耶。特鄭重其辭。令學者  
尊崇道德耳。

太乙燃藜天祿而列仙傳作此。有關於仙者也。若其諸  
事錄入。特取忠貞耳。須知仙者真也。忠者正也。真與正  
無二也。凡集中無仙處。所載皆然。

伯微存想崑崙而崑崙山人即至。授以金液丹。方可見  
道不遠人。品命甚近。還丹不必外求也。